







Centimetres
TIFFEN Color Control Patches
© The Tiffen Company 2007






按宋本重雕



焦氏易林




吳門黃
氏盛版

刻易林序

廣圻十六七歲時從游於長洲張白華師假館程子念鞠家鄙性不耽尚時藝每問師讀古書之法師指誨靡倦念鞠既同門而頗蓄書甚相得也先是念鞠有陸敕先手校本易林在師所枚菴漫士吳君借而失去廣圻後聞其事恨不一見多方搜訪久之遂獲袁君綬階以枚菴所臨及餘姚盧抱經學士所臨等本相示最後陸本歸黃君蕘圃取勘一過良多是正乙丑冬客江寧蕘圃以札來告將謀付刊去冬返及里門則釐然在目焉而屬序其簡首回憶初知有是書之日倏忽二十五六寒暑曾不一瞬唯師頤德弗營精神巋然而念鞠以薄宦遽化於外廣圻亦復行年四十有三久見二毛矣方思悉數吾吳人物源淵典籍流派所聞所見加以筆記存諸敝篋示我兒曹稍傳文獻

易本序
之信而蕘圃刻是書顛末乃可爲其中一事者也敢即舉而書
之嘉慶十三年歲在戊辰春正月下旬元和顧廣圻



刻陸敕先校宋本焦氏易林序

世所行諸刻易林悉出自明內閣本成化癸巳彭華題後可證也分上下經爲卷或又析之作四卷而其譌舛不可卒讀則盡同近好事者多傳臨陸敕先校宋本文句碩異實視諸刻遠勝往歲陸手勘者歸予家續又收葉石君校本取以參驗先所傳臨竟有稍益失真處故付之刻凡陸勘而誤必存其真雖可知當爲某字者終不輒以改竄亦猶予向日刻他書之意耳其諸刻所附而陸勘未及者蓋皆非出於宋本概不載入陸僅就嘉靖四年所刻以勘而記於上方云卷次非宋本考季滄葦延令宋板書目焦氏易林十六卷八本未知其爲即校宋本之祖抑板同而又有一部然分卷十六確鑿可信尚與隋志數合又嘗見一別本乃如此今特據之實每卷四卦也延令藏書散失流

轉予得之頗不少此書當仍在天壤閒安能一旦再出使所謂
全注並傳且行款偏旁均復舊觀必將爲陸勘助掃落葉豈不
更快識於此冀我二三同志搜訪之云

嘉慶十三年閏五月十日黃丕烈書


後序

此書今本之誤非校宋本不能正者如賁之鼎東門之壇乃詩
鄭風文正義云徧檢諸本字皆作壇又云今定本作壇釋文云
壇音善依字當作壇可見作易林時固是壇字今作壇者誤依
定本以後毛詩所改似是實非頤之解飢人入室乃史記殷本
紀所謂及西伯伐飢國滅之徐廣曰飢一作飢又作者即尚書
大傳之西伯餞者也今飢人作箕仁臆改而誤萃之漸橘柚請
佩乃韓詩內傳漢有游女事所謂聘之橘柚者也今橘柚作檮
神亦臆改耳旅之蒙封豕溝瀆全取史記天官書語今豕作豕
失之遠矣其類甚夥咸有如風庭之掃葉也顧君千里見語曰
讀此書之法又有三焉以復見求之也以所出經子史等求之
也以韻求之也如此之震扶杖伏聽誤无妄之中孚扶下無杖

字聽下有命字者是允之否扶作俯亦非扶伏者匍匐也大過之蠱故革懈惰誤遯之益鼎之既濟作五祭解墮者是祭或體作輦也豐之困膠牢振振冠帶無憂誤明夷之旅作膠目啓牢振冠無憂者是呂覽贊能說管仲事正曰膠其目也此皆可得之於複見者如乾之咸反得丹穴女貴以富貴當作清本史記貨殖列傳而巴蜀寡婦清其先得丹穴大畜之訟哀相無極哀相當作衷袒本左氏傳皆衷其袒服小畜之漸鳴鳩飛來晉之艮作餌吉知來家人之大畜作神鳥來見皆誤當作鴉鵠知來本淮南汜論訓乾鵠知來而不知往鄭注大射儀引作鴉此與之同始之晉販鼠賣卜上當作朴本戰國策周人謂鼠未腊者朴升之艮扶陝之岐扶陝當作杖策本尚書大傳遂杖策而去過梁山邑岐山今本大傳杖策誤倒震卦枯瓠不朽朽當作材

本國語苦匏不材於人既濟之鼎禍起于商子當作于于於也商宋也謂禍起於宋雍氏本左氏傳也此皆可得之於所出經子史等者如訟之損更相擊劔劔當作詢明夷之臨不誤大畜之家人作詢亦非以詢與下走爲協晉之漸神君之精之精當作乏祀以祀與上起理爲協革之豫沾我袴襦重難以涉袴襦當倒涉當作步未濟之損不誤以袴步爲協允之噬嗑茂樹斬枝枝當作枚以枚與下飢爲協此皆可得之於韻者其類亦甚夥難以悉數又如豫之豐云一說文山蹲鴟一說即一作也由是以推凡一繇數句而上下語意不類蓋皆脫去一作字而誤相連并耳此又一法也讀者苟於校宋本得之之外循是而各各求之思過半矣予甚然其言附著於末以貽好學者若夫繁文衆詞自我作古莫博善讀書之名而其意不在書乃顧君生

平深惡痛絕者予雖不敏亦未忍爲此態也已閏五月廿四日
丕烈又書



焦氏易林卷第一

乾之第一

乾 道陟石阪胡言連蹇譯瘖且聾莫使道通請謁不行求事
無功

坤 招殃來螫害我邦國病在手足不得安息

屯 陽孤亢極多所恨惑車傾蓋亡身常憂惶乃得其願雌雄
相從

蒙 鵠鳴鳩專一無尤君子是則長受嘉福

需 目睜足動喜如其願舉家蒙寵

訟 罷馬上山絕無水泉喉焦唇乾舌不能言

師 倉盈庾億宜稼黍稷國家富有人民蕃息
與比之升
坤之恒同

比 中夜狗吠盜在墻外神明祐助銷散皆去

乾

易林

一

士礼居藏



小畜据斗運樞順天無憂與樂並居

履空拳握手倒地更起富饒豐衍快樂無已

泰不風不雨白日皎皎宜出驅馳通理大道與坤同

否載日晶光驂駕六龍祿命徹天封為燕王

同人子號索哺母行求食反見空巢訾我長息

大有上帝之生福祐日成脩德行惠樂安且寧

謙山險難登澗中多石車馳轄擊載重傷軸僭負善蹟踈踈

右足

豫禹鑿龍門通利水源東注滄海民得安存

隨乘龍上天兩蛇為輔湧躍雲中遊觀滄海安樂長處

蠱彭祖九子據德不殆南山松栢長受嘉福

臨南山昊天刺政關身疾悲無辜背憎為仇

觀江河淮海天之奧府眾利所聚可以饒有樂我君子百福

是受

噬嗑堅冰黃鳥啼哀悲愁不見甘粒但觀藜蒿數驚鷲鳥為我

心憂

賁室如懸磬既危且殆早見之士依山谷處

剝大禹式路蚩尤除道周匝萬里不危不殆見其所使無所

不在

復三人為旅俱歸北海入門上堂拜謁王母勞賜我酒

無妄傳言相誤非干徑路鳴鼓逐狐不知迹處

大畜三羊爭雌相逐奔馳終日不食精氣勞疲

頤純服黃裳戴上與興德義既生天下歸仁

大過桀跖並處人民愁苦擁兵荷糧戰於齊魯

坎 黃鳥采葉既嫁不答念我父兄思復邦國
離 胎生孚乳長息成就充滿帝室家國昌富
咸 三人求橘反得丹穴女貴以富黃金百鎰
恒 東山西岳會合俱食百家送從以成恩福
遯 弱雞無距與鵠交鬪翅折目盲為鳩所傷
大壯 隙大墻壞蠹衆木折狼虎為政天降罪罰高弒望夷胡亥
以斃
晉 三癡俱走迷路失道惑不知歸反入患口
明夷 弓矢俱張把彈折絃丸發不至道遇害患
家人 三女求夫伺候山隅不見復關長思歎憂
睽 陽旱炎炎傷害禾穀稽人無食耕夫嘆息
蹇 騎狫逐羊不見所望徑涉虎穴亡羊失羔

解 暗昧冥語相傳註誤鬼魅所舍誰知卧處
損 姬姜祥淑二人偶食論仁議福以安王室
益 公孫駕驪載取東齊延陵說產遺季紵衣
夬 孤竹之墟失婦亡夫傷於疾蒸不見少妻東郭棠姜武氏
以亡
姤 仁政不暴鳳凰來舍四時順節民安其處
萃 任劣力薄孱駑恐怯如蝟見鵠不敢拒格
升 衛侯東遊惑於少姬亡我考妣久迷不來
困 噂噂所言莫如我垣歡喜堅固可以長安
大有 屯
井 鸞鳴岐山龜應幽淵男女媾精萬物化生文王以成爲周
開庭
革 玄黃虺隤行者勞疲役夫憔悴踰時不歸

鼎 弱足則跟不利出門市賈不利折亡為患

震 懸貮素餐居非其安失輿剝廬休坐徒居

艮 民怯城惡姦人所伏寇賊大至入我郭郭妻子俘獲一本為婦

漸 陽低頭陰仰首水為灾傷我足進不利難生子

歸 妹背北相憎心意不同如火與金一本為艮辭

豐 太微帝室黃帝所宜藩屏周衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡與禍為怨更相擊刺傷我手端

允 鷓飛中退舉事不進眾人亂潰

渙 跛躄相隨日暮牛罷陵遲後旅失利亡泰之復

節 龍角博預位至公卿世祿久長起動安寧

中孚舜升大禹石夷之野徵詣王庭并治水土師之小畜同

小過從風放火荻芝俱死三害集房叔子中傷

既濟梗生荆山命制輸班袍衣剝脫夏熱冬寒飢餓枯槁莫人

莫憐

未濟長面大鼻來解已憂遺吾福子與我惠妻惠吾嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂成

屯 蒼龍單獨與石相觸摧折兩角室家不足

蒙 城上有烏自名破家招呼醜毒為國患災

需 霜降閉戶蟄虫隱處不見日月與死為伍小畜之解

訟 天之德室温仁受福衣裳所在凶惡不起

坤

易林

四

師 皇陛九重絕不可登未見王公謂天蓋高
比 孔德如玉出於幽谷升高鼓翼輝光照國
小畜五軌四軌復得饒有陳力就列騶虞欣喜
履 四足無角君子所服南征述職以惠我國
泰 雷行相逐無有攸息戰于平陸為夷所覆
否 六龍爭極服在下飾謹慎管鑰結禁毋出
同人長男少女相向共語福祿歡喜
大有奸延惡人使德不通炎火為殃禾穀大傷
謙 修其翰翼隨風向北至虞夏國與舜相得年歲大樂邑無
盜賊

豫 鈇刀攻玉堅不可得盡我筋力眊爾為疾
隨 舉被覆目不見日月衣裳篋篋就長夜室

比之大過
泰之臨同

蠱 賊仁傷德天怒不福斬刈宗社失其邦域

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福

需之夫坤
之解俱同

噬嗑稷為堯使西見王母拜請百福賜我善子

賁 三人異趣反覆迷惑一身五心亂無所得

剝 南山大獾盜我媚妾怯不敢逐退而獨宿

復 衆鬼所趨反作大怪九身無頭鬼驚鬼去不可以居

無妄延頭遠望昧為目疾不見叔姬使伯心憂

大畜典冊法書藏在蘭臺雖遭亂潰獨不遇災

大有
之恒

頤 自衛反魯時不我與冰炭異室仁道隔塞

大過瘤癭禿疥為身瘡害疾病癘殘常不遠逮

坎 東齊郭盧嫁於洛都俊良美好媒利過倍

離 齊魯爭言戰於龍門構怨連禍三世不安比之蠱同人

咸 膏澤肥壤農人豐敵利居長安歷世無患

恒 倉盈庾億宜種黍稷年豐歲熟民得安息乾之師比之升

遯 鴟鴞破斧邦人危殆賴其忠德轉禍為福傾危復立

大壯 歲飢無年虐政害民乾溪驪山秦楚結冤

晉 樹潔累累締結難解嫫母銜嫁媒不得坐自為身禍

明夷 訾陬開門鶴鳴彈冠章甫進用舞韶和鸞三人翼事國無

災患

家人 弟妹合居與類相扶願慕群醜不離其處

睽 邯鄲反言兄弟生患涉叔憂恨卒死不還

蹇 三人逐兔各爭有得愛亡善走多獲鹿子

解 北辰紫宮衣冠立中含和建德常受天福坤之觀需之解

損 拜跪請免不得其哺俛首銜枚低頭北去

益 鶴盜我珠逃於東隅求之郭墟不見所居

夬 一簧兩舌妄言謬語三姦成虎曾母投杼

姤 孤獨特處莫與為旅身日勞苦使布五谷陰陽順序

萃 褰衣涉河澗流浚多賴遇舟子濟脫無他

升 憑河登山道路阻難求事少便

困 兔置之容不失其恭和謙致樂君子攸同

井 三女求夫伺候山隅不見復關泣涕漣如

革 螟蟲為賊害我五穀中雷空虛家無所食需之明夷

鼎 望尚阿衡太宰國公藩屏輔弼福祿來同

震 三年生狗以戌為母荆夷上侵姬伯出走需之訟否之姤

艮 塗過道塞求事不得

漸探懷得蚤無有凶憂所願失道善居漸好
婦妹飛樓屬道趾多攪垣居之不安覆厭為患
豐義不勝情以欲自傾幾危利寵折角摧頸
旅潼滄蔚蒼扶首來會津液來降流淹滂霈
巽白駒生芻猗猗盛姝赫喧君子樂以忘憂
允車馳人趨卷甲相仇齊魯寇戰敗於犬丘
渙舉首望城不見子貞使我悔生
節龍鬪時門失理傷賢內畔外賊則生禍難
中孚安如泰山福喜屢臻雖有豺虎不致危身
小過初憂後喜與福為市八佾列陳飲御嘉友
訟之次
既濟持刀操肉對酒不食夫行從軍小子入獄抱膝獨宿
未濟陰衰老極陽建其德履離戴光天下昭明功業不長蝦蟇

代王否之无妄大有之臨

屯之第三

屯兵征大宛北出玉關與胡寇戰平城道西七日絕糧身幾不全

乾汎汎栢舟流行不休耿耿寤寐心懷大憂仁不逢時復隱窮居

坤採薪得麟大命隕顛豪雄爭名天下四分豫之未濟

蒙山崩谷絕天福盡竭涇渭失紀玉厯盡已

需夏臺姜里湯文所厄鬼侯俞賄商王解舍

訟泥津汙辱棄捐溝瀆所共笑哭終不顯錄

師李梅冬實國多盜賊擾亂並作君不能息同人之損

比獐鹿逐牧飽歸其居反還次舍無有疾故訟之小畜

屯

易林

二

小畜夾河為婚期至無船淫心失望不見所歡

履百足俱行相輔為強三聖翼事王室寵光比之无妄

泰坐位失處不能自居賊破王邑陰陽顛倒

否登几上輿駕駟南遊合從散橫燕齊以強

同人三孫荷弩無益於輔城弱不守邦君受討

大有河伯女呼津不得渡船空無人往來亦難

謙甘露醴泉太平機關仁德感應歲樂民安大過之未濟

豫重茵厚席循臯採藿雖躓不懼反復其宅

隨太乙駕騶從天上來徵我叔季封為魯侯需之比否之大壯

蠱南巴六安石解戟天所指不已耆老復丁弊室舊墟更為

新家

臨家給人足頌聲並作四夷賓伏干戈韜閣一作觀卦

觀東隣嫁女為王妃后莊公築館以尊王母歸于京師季姜

悅喜一作臨卦否之既濟

噬嗑陳妻敬仲兆興齊姜營止是適八世大昌始之師比之豫

賁路多枳棘步刺我足不利旅客為心作毒損卦同

剝天官列宿五神共舍宮闕光堅君安其居

復牧羊稻園聞虎呻喧懼畏惕息終無禍患否之節

無妄鳴條之圖北奔犬胡左衽為長國號匈奴主君旄頭立尊

單于

大畜尅身潔已逢禹巡狩錫我玄珪拜受福佑

頤冬華不實國多盜賊疾病難醫鬼哭其室

大過襄送季女至于蕩道齊子旦夕留連久處

坎朽根倒樹花葉落去卒逢火焱隨風偃仆

離 陰變為陽女化作男治道得通君臣相承
咸 炎絕續光火滅復明簡易理得以成乾功
恒 多載重負捐棄于野予母誰子但自勞苦
遯 江河海澤眾利安宅可以富有飲御嘉客
大壯 冬採薇蘭地凍堅圻利走室北暮無所得
晉 烏鳴嘻嘻天火將起燔我室屋災及姬后
明夷 蠱室蜂戶螫我手足不可進取為身害速履之
家人 崔嵬北獄天神貴客溫仁正直主布恩德開衣不已蒙受
大福
睽 伯蹇叔盲莫與守牀失我衣裘伐民除鄉
蹇 為季求婦家在東海水長無船不見所歡
解 山陵丘墓鳧鳧失舍精神盡竭長寢不覺

損 蹄牛失角下山傷軸失其利祿

益 水戴船舟無根以浮往來溶溶心勞且憂

夬 有鳥來飛集于古樹鳴聲可惡主將出去

姤 東徙不時觸患離憂并泥無濡思叔舊屋

萃 黃帝所生伏羲之宇兵刃不至利以屈止履之家

升 東山救亂處婦思夫勞我君子役無休已

困 跛躓未起先利後市不得鹿子

井 大蛇當路使季畏懼湯火之災切近我膚賴其天幸趨於

王廬損之比

革 從容長閒遊戲南山拜祠禱神使神無患一作震卦

鼎 區脫康居慕義入朝湛露之歡三爵畢恩復歸野廬與母

相扶

震 龜鱉列市河海饒有長錢善價商李悅喜

一作革卦

艮 年常蒙慶今歲受福三夫採葩出必有得

漸 二人俱東道路爭訟意乖不同使君恼恼

歸妹 樹我藿豆鹿兔為食君不恤護秋無收入

豐 黃鳥悲鳴愁不見星困於鷲鳥鷲使我驚

旅 雙鳧俱飛欲歸稻食經涉萑澤為矢所射傷我胃臆

否之晉

巽 久客無依思歸我鄉雷雨盛溢道未得通

允 道路僻除南至東遼衛子善辭使國無憂

渙 同枕同袍中年相知少賈無失獨居愁思

節 眾神集眾相與議語南國虐亂百姓愁苦興師征討更立

賢主 小畜之豫

中孚 北陸閉蟄隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 愛我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有叛逆常饒優足

損之履

坤 天所有禍不過家左輔右弼金玉滿堂常盈不亡富如

教倉

屯 安息康居異國穹廬非吾習俗使我心憂

需 范公鷓夷善賈飾資東之營丘易字子皮把珠載金多得

利婦

訟 老楊日衰條多枯枝爵級不進遂下摧墮

泰之咸

蒙

易林一

九

師 小狐渡水汚濡其尾利得無幾與道合契

比 豕生魚魴鼠舞庭堂奸佞施毒上下昏荒君失其國

小畜天地配享六位光明陰陽順序以成和平訟之震

履 蹀踵足傷右指病癰失旅後時利走不來

泰 異體殊患各有所屬西隣孤媪欲寄我室王母罵詈求不

可得

否 操稻鄉畝折貨稷黍飲食充口安利無咎

同人所受大喜福祿重來樂且日富蒙慶得財

大有舉盃飲酒無益溫寒指直失取亡利不權

謙 日月相望光明盛昌三聖茂承功德大隆師之節否之貴

豫 猾夫爭強民去其鄉公孫叔子戰於瀟湘

隨 猿墮高木不踈手足還歸其室保我金玉否之臨益之豫訟之艮

蠱 逐狐東山水過我前深不可涉失利後便

臨 鑿井求玉非卞氏寶名困身辱勞無所得

觀 黃玉溫厚君子所服甘露溽暑萬物生茂

噬嗑畫龍頭頸文章不成甘言善語說辭無名

賁 招禍致凶來弊我邦病在手足不得安息

剝 履位乘勢靡有絕斃皆為隸圉與眾庶伍

復 獐鹿雉兔羣聚東園盧黃白脊俱往趨逐九齮十得君子

有喜

無妄織金未成緯畫無名長子逐兔鹿起失路後利不得因無

所據

大畜天厭周德命與仁國以禮靖民兵革休息

頤 重譯賀芝來除我憂善說遂良與喜相求

大過膏澤肥壤人民孔樂宜利俱止長安富貴

坎 白龍黑虎起鬚暴怒戰於涿鹿蚩尤敗走居止不殆君安

其所 同人之比 益之比

離 抱關傳語聾跛摧殆眾賤無下災殃所在

咸 憂禍解除喜至慶來坐立歡門與樂為鄰 小畜之井

恒 折鋒載爰輿馬放休狩軍依營天下安寧

遯 至德之君仁政且溫伊呂股肱國富民安

大壯千里望城不見山青老兔蝦蟆遠絕無家

晉 有莘季女為夏妃居貴夫壽子母字四海

明夷不虞之患禍至無門奄忽暴卒痛傷我心

家人飛鷹退去不食隣鳥憂患解除君主安居

睽 踉蹉側跌申酉為祟亥戌滅明顏子隱藏

蹇 司錄憑怒謀議無道商民失政殷人乏祀

解 望鷄得雉冀馬獲駒大德生少有瘳從居

損 忉忉怛怛如將不活黍稷之恩靈輒以存

益 莫莫輯輯夜作晝匿謀議我資來攻我室空盡我財幾無

以食

夬 天之所壞不可強支眾口指笑雖貴必危

姤 自動睫睨喜來加身舉家蒙歡吉利無殃

萃 龜羹芬香染指弗嘗口飢於手子公恨饒

升 天福所豐兆如飛龍成子得志六三以興

困 氓伯以婚抱布自媒棄禮急情卒罹悔憂

震 夏姬親附心聽悅喜利以搏取無言不許
艮 南山昊天刺政閔身疾悲無辜背憎為仇

井 三人為旅俱歸北海入門上堂拜謁王母勞賜我酒懽樂
無疆

革 愆淫旱疾傷害稼穡喪制病來農人無食

鼎 攫飯把肉以就口食所往必得無有虛乏

漸 鳥飛無翼兔走折足雖欲會同未得所欲

婦 妹體重飛難不得踰關不離室垣

豐 四雄並處人民愁苦擁兵西東不得安所

旅 譯重關牢求解已憂心感乃成與喜俱居

巽 患解憂除王母相於與喜俱來使我安居

兌 冬生不華老女無家霜冷蓬室更為枯株

渙 震慄恐懼多所畏惡行道留難不可以步

節 三人共妻莫適為雌子無名氏公不可知


中孚 早凋被霜花葉不長非時為災家受其殃


小過 雉兔之東狼虎所從貪叨凶惡不可止息

既濟 馬驚破車主墮深溝身死鬼去離其室廬

未濟 山林麓藪非人所往鳥獸無禮使我心苦

焦氏易林卷第一





焦氏易林卷第二

需之第五

需 久旱三年草木不生粢盛空乏無以供靈

乾 火滅復息君明其德仁人可遇身受利福

坤 温山松栢常茂不落鸞鳳以庇得其歡樂否之恒

屯 西誅衣服恃強負力倍道趨敵師徒敗覆益之同人

蒙 三塗五岳陽城太室神明所伏獨無兵革

訟 二牛生狗以戌為母荆夷上侵姬伯出走坤之震 否之姤

師 鳧遊江海役行千里以為死亡復見空素長主凶憂

比 太乙駕騮從天上來徵君叔季封為魯侯無有凶憂屯之隨 否

壯之大

小畜 絰績獨居寡處無夫陰陽失忘為人僕使

需

易林二

一

士礼居藏

履 兵征大宛北出玉門與胡寇戰平城道西七日絕糧身幾

不全與屯同

泰 楚靈暴虐罷極民力稠起乾溪棄疾作毒扶伏奔逃身死

亥室

否 雌單獨居歸其本巢毛羽憔悴志如死灰

同人 兩矛相刺勇力鈞敵交綏結和不破不缺

大有 乘船渡濟載水逢火賴幸免禍蒙我生全

謙 喪寵溢尤政傾家覆我宗失國秦滅周室

豫 冬無藏冰春陽不通陰流為賊國被其殃

隨 田鼠野雞意常欲逃拘制籠檻不得動搖

蠱 佩玉藥兮無所繫之旨酒一盛莫與笑語孤寡獨特常愁

憂苦

臨 沒游源口求鮫為寶家危自懼復出生道

觀 河水孔穴壞敗我室水深無岸魚鱉傾側

噬嗑 教羊牧兔使魚捕鼠任非其人費日無功

賁 升户入室就温燠食冰凍北陸不能相賊

剝 孤竹之墟老婦死夫傷於蒺藜不見少妻東郭堂姜武氏

破亡乾之

復 凶禍災殃日益彰福不可釐三郤夷傷

無妄 載璧秉珪請命于河周公作誓冲人瘳愈

大畜 鳥升鵲舉照臨東海龍降庭堅為陶叔後封圻英六履祿

綏厚謙之

頤 危坐至暮請求不得膏澤不降政戾民忒

大過 宜昌娶嬖東家歌舞宴樂有序長樂嘉喜

坎 鑿井求玉非卞氏寶名困身辱勞無所得蒙之
離 鵠思其雄欲隨鳳東順理羽翼出次須日中留北邑復反
其室

咸 早霜晚雪傷害禾麥損功棄力飢無所食比之

恒 蝙蝠生子深目黑醜雖飾相就眾人莫取

遯 去如飛鴻避凶且東遂得全脫與福相逢

大壯 婚姻合配同枕共牢以降休嘉子孫封侯

晉 咸陽辰已長安戌亥上陵生止非魚鱠市不可辭阻終無

悔咎

明夷 螟虫為賊害我五穀簞食空虛家無所食坤之

家人 謀恩拜德東歸吾國慷慨宴笑歡樂有福

睽 齋具贖狸不聽我辭係於虎鬚牽不得來否之

蹇 比目附翼歡樂相得行止集周終不離忒

解 一指食肉口無所得染其鼎鼐舌饒於腹

損 曳綸江海釣挂魴鯉王孫得利以享仲友

益 商紂牧野顛敗所在賦斂重數黎元愁苦

夬 北辰紫宮衣冠立中含和建德常受天福坤之觀

姤 輕戰尚勇不知兵權為敵所制從師北奔

萃 大口宣舌神使仲言黃龍景星出應德門與福上天天下

安昌大有

升 凶子禍孫把劍向門凶訟謹置驚駭我家一作

困 祝伯善言能事鬼神辭祈萬歲使君延年

井 珪璧琮璋執贄見王百里甯戚應聘齊秦否之

革 昧且乘車履危蹈溝亡失裙襦摧折兩軸

鼎 膠着木連不出牛欄斯饗羔羊家室相安

震 卷領遁世仁德不吝三聖攸同周家茂興

艮 黍稷苗稻垂秀方造中旱不雨傷風枯槁

漸 冠帶南遊與福喜逢期於嘉貞拜為公卿

歸妹 一巢九子同公共母柔順利貞出入不殆福祿所在

豐 韓氏長女嫁於東海宜家富主柔順以居利得過倍

旅 因禍受福喜盈我室所願必得

巽 晉平有疾迎醫秦國病乃大患分為兩豎逃匿膏盲和不

能愈

允 杜飛門啓患憂大解脩福行善不為身禍

同人之夫

渙 追亡逐北至止而得稚叔相呼反其室廬

節 鳥鳴既端一呼三顛動搖東西危慄不安疾病無患

中孚 龍化為虎泰山之陽眾多從者莫敢救藏

小過 焱風忽起車馳揭揭棄名追亡失其和節憂心惛惛

既濟 遊居石門祿安身全受福西隣婦飲玉泉

未濟 登高上山見王自言申理我讒得職蒙恩

比之未濟同

訟之第六

訟 文巧俗弊將反天質僵死如麻流血濡臄皆知其母不識

其父干戈乃止

乾 文王四乳仁愛篤厚子畜十男夭折無有

坤 日入望東不見子家長女無夫左手搔頭

屯 東上泰山見堯自言申理我冤以解憂患

蒙 奎軫温湯過角宿房宣時布和無所不通

需 引船牽頭雖拘無憂王母善禱禍不成災

師 鳧得水沒喜笑自啄毛羽悅澤利以攻玉公出不復伯氏
客宿

比 水流趨下欲至東海求我所有買魴與鯉

小畜 獐鹿逐牧安飽其居反還次舍無有疾故屯之比

履 樹植藿豆不得美鋤王事靡盬秋無所收

泰 弱水之西有西王母生不知死與天相保

否 數窮廓落困於歷室卒登玉堂與堯侑食

同人 子鉏執麟春秋作元陰聖將終尼父悲心

大有 尹氏伯奇父子生離無罪被辜長舌所為

謙 播木折枝與母別離九臯難扣絕不相知

豫 弱雞無距與鵲格鬪翅折目盲為鳩所傷

隨 甲乙丙丁俱歸我庭三丑六子入門見母

蠱 桑葉螟蠹衣弊如絡女工不成絲布為玉

臨 開牢闢門巡狩釋寃夏臺姜里湯文悅喜

觀 欽明之德坐前玉食必保嘉美長受安福

噬嗑 武夫司空多口爭訟金火當戶民不安處年飢無有

賁 紫閣九重尊嚴在中黃帝堯舜履行至公冠帶垂衣天下

康寧

剝 負牛上山力劣行難烈風雨雪遮遏我前中道復還憂者

自歡

復 褰兔缺唇行難齒寒口痛不言為身生患

無妄 合體比翼嘉耦相得與君同好使我有福

大畜 口啄卒卒憂從中出喪我寶貝妻妾失位

頤 兩心不同或從西東明論終日莫適相從

大過啞啞笑言與善飲食長樂行觴千秋起舞拜受大福

坎 初憂後喜與福為市八伯列陳飲御諸友坤之小過

離 西徙無家破其新車王孫失利不如止居

咸 鳳凰在左麒麟處右仁聖相遇伊呂集聚時無殃咎福為

我母

恒 區脫康居慕仁入朝湛露之歡三爵畢恩復歸舊廬否之坎

遯 疾貧望幸使伯行販關牢擇羊多得大牂

大壯 處高不傷雖危不亡握珠懷玉還歸其鄉

晉 右手棄酒左手牧牂行逢禮御餌得玉杯

明夷 養虎牧狼還自賊傷大勇小捷雖危不亡

家人 戴堯扶禹松喬彭祖西遇王母道路夷易無敢難者損之離師

離之

睽 秋冬探巢不得鵲鷦銜指北去媿我少姬

蹇 兩羝三牂俱之代鄉留連多難損其食糧

解 南徙無廬鳥破其巢伐木思初不利動搖

損 爭訟不已更相擊劔張季弱口被髮北走

益 延頸望酒不入我口初喜後否得利無有履之萃

夬 被髮傾走冠逐我後亡失刀兵身全不傷

姤 麟鳳所遊安樂無憂君子撫民世代千秋

萃 褰衣涉河水深清罷賴幸舟子濟脫無他

升 憤憤不悅憂從中出喪我金罍無妄失位

困 絆跳不遠心與言反尼父望家菑齒未華

井 大壯肥特惠我諸舅內外和睦不憂飢渴

革 黃帝建元文德在身祿若陽春封為魯君

鼎 虎聚摩牙以待豚猪往必傷亡宜利止居

震 天地配享六位光明陰陽順序以成和平蒙之小畜

艮 猿墜高木不踣手足保我金玉還歸其室蒙之履

漸 營室紫宮堅不可攻明神建德君受大福

歸妹 孤翁寡婦獨宿悲苦目張耳鳴無與笑語歸妹之履

豐 低頭窺視有所畏避行者不利酒酸魚敗眾莫貪嗜

旅 載金販狗利棄我走藏匿淵底悔折為咎

巽 行觸大忌與司命悟執囚束縛拘制於吏中孚之震

允 執玉歡喜佩之解繫危詳及安使我無患

渙 機杼紛擾女功不成長妹許嫁衣無襦袴聞禍不成凶惡

消去

節 金人鐵距火燒左右雖懼不恐獨得全處

中孚謝恩拜德東歸吾國舞蹈欣躍歡樂受福

小過青牛白咽呼我俱田歷山之下可以多耕歲樂時節民人

安寧

既濟白雉羣雉慕德朝貢湛露之恩使我得權

未濟避患東西反入禍門糟糠不足憂愁我心

師之第七

師 烏鳴呼子哺以酒脯高樓之處子來歸母穡人成功年歲

大有姤婦無子

乾 一簧兩舌佞言諂語姤成市曾母投杼

坤 春桃生花季女宜家受福且多在師中吉男為封君

屯 殊類異路心不相慕牝牛牡猴獨無室家

蒙 折葉蔽目不見稚叔三足孤鳥遠其元夫

師

勿林二

二

需 雀東求粒誤入罔域賴逢君子脫復歸息
訟 王孫季子相與孝友明允篤誠升擢薦舉為國幹輔
比 削樹無枝與子分離飢寒莫食獨泣哀悲
小畜舜升大禹石夷之野徵詣玉闕拜理水土
履 義不勝情以欲自營見利危寵滅君令名
泰 三人北行六位光明道逢淑女與我驥子
否 羿張烏號殼射天狼柱國雄勇闖死滎陽
同人季姬踟躕結衿待時終日至暮百兩不來
大有鴻鴈翩翩始怨勞苦災疫病民鰥寡愁憂
謙 穿胃狗邦僵離旁春天地易紀日月更始
豫 北山有棗使叔壽考東嶺多栗宜行賈市陸梁雌雉所至
利喜

隨 千旄旌旗撫幟在郊雖有寶玉无路致之

蠱 精潔淵塞為讒所言證訊詰請繫於枳温甘棠聽斷怡然

蒙恩

臨 玄黃虺隤行者勞罷役夫憔悴踰時不歸

觀 膚敏之德發憤忘食虜豹禽說以成主德禽一作擒

噬嗑采唐沫鄉要我桑中失信不會憂思約帶

賁 伯寧子福惠我邦國蠲除苛殘使季無患

剝 讒父佞雄賊亂邦國生雖忠孝敗恩不福

復 淵泉隄防水道通利順注湖海邦國富有

無妄江南多蝮螫我手足冤繁詰屈痛徹心腹

大畜三人俱行別離獨食一身五心反覆迷惑亂無所得

頤 鴉鳴庭中以戒災凶重門擊柝備不速客

大過功成事就拱手安居立德有言坐飾貢賦
坎 國亂不安兵革為患掠我妻子家中飢寒
離 戴堯扶禹從喬彭祖西遇王母道路夷易無敢難者
咸 長尾委蛇畫地成河深不可涉絕無以比惆悵會息
恒 乘龍從蜺微詣北關乃見宣室拜守東城鎮慰黎元舉家
蒙福
遯 土與山連終身無患天地高明萬歲長安
大壯久旱水涸枯槁無澤虛修其德未有所獲
晉 依天倚地凶危不至上清下淨受福大明君受其利
明夷火烈不去必殪僵仆燔我衣裾福不可悔
家人配合相迎利之四鄉欣喜興釋所言得當
睽 清人高子久屯外野道遙不歸思我慈母

蹇 武庫軍府甲兵所聚非里邑居不可舍止
解 三德五才和合四時陰陽順序國無咎災
損 解衣毛羽飛入大都晨門戒守鄭忽失家
益 削根燒株不生肌膚病在心腹日以焦枯
夬 文山紫芝雍梁朱草生長和氣福祿來處
姤 多載重負捐弃于野予母誰子但自勞苦
萃 鳧雁啞啞以水為家雌雄相和心志娛樂得其歡欲
升 耳目盲聾所言不通佇立以泣事無成功
困 天宮列宿五神所舍宮闕堅固君安其居
井 范子妙材戮辱傷膚然後相國封為應侯
革 秋冬探巢不得鵲雛銜指北去慙我少夫
鼎 子畏於匡厄困陳蔡德行不危竟脫厄害

震 鴻飛在陸公出不復仲氏任止伯氏客宿

艮 鶴鳴九臯避世隱居抱朴守真竟不隨時

漸 舜升大禹石夷之野徵詣玉闕拜治水土乾之中孚師之小畜

歸妹 左輔右弼金玉滿匱常盈不亡富如敷倉與蒙之坤下四句同

豐 崔嵬北岳天神貴客衣冠不已蒙被恩德

旅 空槽注猪獷彘不到張弓祝雞雄父飛去

巽 胡蠻戎狄大陰所積涸水凍寒君子不存

允 甘露醴泉太平機關仁德感應歲樂民安屯之謙

渙 惡來呼伯慎驚外客甲守閉宅以備凶急臨折之憂將滅

無災

節 日月相望光明盛昌三聖茂功仁德大隆蒙之謙否之貴

中孚 葛藟蒙棘華不得實讒佞亂政使恩壅塞

小過 隣不我顧而望玉女身多癩疾誰肯媚者

既濟 精誠所在神為之輔德教尚忠彌世長久三聖尚功多受

福祉

未濟 鑽木取火掘地索泉主母飢渴手為心禍

比之第八

比 鹿得美草嗚呼其友九族和睦不憂飢乏長子入獄霜降

族哭同人之蹇益之恒

乾 繼祖復宗追明成康光照萬國享世久長

坤 麟子鳳雛生長家國和氣所居康樂無憂邦多聖人

屯 取火流泉釣鱗山顛魚不可得火不肯燃小畜之屯

蒙 彭生為娛白虎行菑盜堯衣裳桀跖荷兵青禽照火三日

夷傷

比

易林二

九

需 黍稷醇醴敬奉山宗神嗜飲食甘雨嘉降黎庶蕃殖獨蒙
福祉

訟 李花再實鴻飛降集仁哲權輿蔭國受福小畜之離 豫之小過

師 千歲之墟大國所屠不見子都城空無家

小畜 公子王孫把彈捫丸發輒有得室家饒足

履 驪姬讒喜與二嬖謀譖殺恭子賊害忠孝申生以縊重耳

奔逃

泰 長生無極子孫千億栢柱載青堅固不傾

否 失意懷憂如幽狴牢亡子喪夫附托寄居

同人 仁智隱伏麟不可得龍蛇潛藏虛居堂室

大有 捩絜累累締結難解嫫母銜嫁媒不得坐自為身禍

謙 蜩飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌始之師屯 之噬嗑

隨 過時不歸雌雄苦悲徘徊外國與母分離

蠱 齊魯爭言戰於龍門構怨結禍三世不安坤之離同人 之睽謙之咸

臨 府藏之富王以賑貸捕魚河海苟願多得損之睽同 人之益

觀 鳴鶴北飛下就稻池鱣鮪鯉衆多饒有一狗獲兩利得

過倍

噬嗑 蒼梧鬱林道易利通元龜象齒寶貝南金為吾福功

賁 兩火爭明雖鬪不傷分離且忍全我弟兄

剝 伯夷叔齊貞廉之師以德防患憂禍不存泰之 乾

復 季去我東髮櫛如蓬展轉空牀內懷憂傷一本作 賁辭

無妄 百足俱行相輔為強三聖翼事王室寵光

大畜 壅遏隄防水不得行火盛陽光陰蛻伏藏退還其鄉

願 滕蛇乘龍年歲飢凶民食草蓬

大過鉛刀攻玉堅不可得盡我筋力胝爾為候

坎 恒山浦壽高邑所在陰氣下淋洪水不處牢人開戶

離 比目四翼來安我國福善上堂與我同牀

咸 杜口結舌心中怫鬱去菑患生莫所告寃

恒 牽尾不前逆理失臣忠莫往來惠朔以奔

遯 早霜晚雪傷害禾麥損功棄力飢無所食

大壯適戍失期患生無聊懼以發憂發藏閉塞邦國騷愁

晉 昊天白日照臨我國萬民康樂咸賴嘉福

明夷元吉无咎安寧不殆時行則行勿之有悔

家人懿公淺愚不深受謀無援失國為狄所賊

睽 城上有烏自號破家呼喚鳩毒為國患災

蹇 長股喜走趨步千里王良嘉言伯來在道申見王母

解 耕石山顛費種家貧無聊處作苗髮不生

損 二人異路東趨西步千里之行不相知處

益 純服黃裳載土以興德義茂生天下歸仁

夬 五銑鐵頤倉庫空虛賈市無盈與利為仇

姤 登崑崙入天門過糟粕宿玉泉問惠觀見仁君

萃 團團白日為月所食損上毀下鄭昭出走

升 倉盈庾億宜稼黍稷年歲有息國家富有

困 虎狼結謀相聚為保伺嚙牛羊道絕不通傷我商人

井 木年摧折常恐不活老賴福慶光榮相輔

革 同載共車中道分去喪我元夫獨為孤苦

鼎 飲酒醉酗跳躍爭鬪伯傷叔僵東家治喪

震 出值凶災逢五赤頭跳言死格扶杖伏聽不敢動搖

艮 狼虎爭強禮義不行兼吞其國齊晉無主小畜之隨

漸 南國少子方畧美好求我長女薄賤不與反得醜惡後乃

大悔泰之晉

婦 妹一身兩頭莫適其軀亂不可治孰為湯漢

豐 李耳彙鵲更相恐怯偃尔以腹不能距格

旅 松柏棟梁相輔為強八哲五教王室康寧

巽 雀行求食暮歸爭乳反其屋室安寧如故

允 四尾六頭為凶作妖陰不奉陽上失其明

渙 一衣三闕結緝不便岐道異路日暮不到

節 牙蘖生齒室當啓戶幽人利貞鼓翼起舞


中孚 春鴻飛東以馬質金利得十倍重載婦鄉

小過 歡悅以喜子孫俱在守發能忍不見殃咎


既濟 精神消落形骸醜惡齟齬頓挫枯槁腐蠹

未濟 登高上山見王自言申理我寃得職蒙恩

焦氏易林卷第二



未齊登高山山泉王自喜中野赤實野實
 潤澤靜軒前燕紙新細蒸糖糖糖糖糖糖
 小畜卦卦以君子為財也中食消息不與地合



焦氏易林卷第三

小畜之第九

小畜白鳥銜餌嗚呼其子幹枝張翅來從其母伯仲叔季尤賀

舉手

乾 東遇虎地牛馬奔驚道絕不通南困無功

坤 子鉏執麟春秋作元陰將以終尼父悲心

屯 取火泉源釣魚山顛魚不可得火不可然比之屯

蒙 機關不便不能出言精誠不通為人所寬

需 故室舊廬稍弊且徐不如新巢可治樂居

訟 蜚蛇循流東求大魚預且舉網庖人歌謳

師 鑿山通道南至嘉國周公祝祖襄適荆楚

比 鵲近却縮不見頭日日以困急不能自復

小畜

易林二

一

士礼居藏

履 五舌啄難各自有言異國殊俗使心迷惑所求不得

泰 天門開闢牢戶寥廓桎梏解脫拘囚縱釋

否 堅冰黃鳥常哀愁悲數驚鷲鷲為我憂

同人 日走月步趣不同舍夫妻反目主君失居

大有 金牙鐵齒西王母子無有患殃扶舍陟道到來不久

謙 式微式微憂禍相半隔以岩山室家分散

豫 衆神集聚相與議語南國虛亂百姓勞苦興師征伐更立

賢主

隨 虎狼爭食禮義不行兼吞其國齊魯無主比之

蠱 寄生無根如過浮雲本立不固斯須落去更為枯樹

臨 子啼索哺母行求食反見空巢長息嗚弋

觀 駕駟逐狐輪掛荆棘車不結轍公子無得

噬嗑 方啄廣口仁智聖厚釋解倒懸唐國太安

賁 駕福乘喜來至家國戴慶南行離我安居

剝 孔鯉伯魚北至高奴木馬金車駕遊大都王母送我來牝

字駒

復 三足無頭不知所之心狂精傷莫使為明不見日光

無妄 駭牝龍身日馭三千南止蒼梧與福為婚道里夷易安全

無忌

大畜 辰次降婁王駕巡時廣佑施惠安國無憂

頤 望幸不到文章未就王子逐走馬騎啣傷跌跡不得曷其

有常

大過 中原有菽以待饗食飲御諸友所求大得

坎 亂茅縮酒靈巫拜禱神怒不許瘁愁憂苦

離 李華再實鴻卵降集仁哲以興陰國受福比之訟豫

咸 源出陵足行於山趾不為暴害民得安居

恒 客入其門奔走東西童女不織士棄耕畝暴骨千里歲寒

無年

遯 天之所予福祿常在以永康寧不憂危殆

大壯 蝗食我稻驅不可去實穗無有但見空藁

晉 牛驥同堂郭氏已亡國破空虛君奔走逃

明夷 狗無前足陰謀其北為身賊害何以安息

家人 兩輪自轉南上大阪四馬共轅無有重難與禹笑言鶴鳴

竅穴不離其室

睽 芽孽生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄犬夜鳴民擾

大驚

解 霜降閉戶蟄虫隱處不見日月與死為伍坤之

損 身載百里功加四海為文開基武立大柱

益 禹作神鼎伯益銜指斧斤高閣憧位獨坐賣庸不售苦困

為禍

夬 福祚之家喜至憂除如風兼雨出車入魚

姤 蒼龍隱伏麟鳳遠匿寇來同處未得安息

升 白鶴銜珠夜食為明懷安德音身受光榮

萃 旦生夕死名曰嬰鬼不可得視

困 行役未已新事復起姬姜勞苦不得休息

井 憂患解除喜至慶來坐立懽忻與樂為隣蒙之

革 晨風之翰大舉就温昧過我邑昇無所得

鼎 下田稷黍芳華生齒大雨集降紛澇滿甕
震 君子碌碌鳥庇茂木見春百穀心勞願德
艮 折臂踈足不能進酒祠祀闊曠神怒不喜

漸 學靈三年聖且神明光見善祥吉喜福慶鳴鳩飛來告我

無憂 一作鹿鳴鴻
飛鳴見善祥

歸妹 三婦同夫志不相思心懷不平志常愁悲

豐 中田膏黍以享王母受福千億所求大得

旅 陽火不災喜至慶來降福送喜鼓琴歌謳

兌 陽明不息君無恩德伯氏失利農喪其力

巽 燕雀銜茅以生孚乳兄弟六人姣好孝悌各得其願和悅

相樂

渙 鷄尾奔奔火中成軍號叔出奔下失其君

節 兩人相距止不同舍夫妻離散衛侯失居

中孚 魃為燔虐風吹雲却欲上不得反歸其宅

小過 關雎淑女配我君子少妻在門君子嘉喜

既濟 慈母赤子饗賜得士夷狄服除以安王家

未濟 三足孤鳥靈鳴督卸思過罰惡自賊其家

履之第十

履 十鳥俱飛昇得九雌雖得得全且驚不危

乾 東嚮藩垣相與笑言子般執鞭圉人作患

坤 循河摘舟旁淮東游漁父舉網先得大鱖

屯 轅折輪破馬倚僕卧後旅先宿右足跌踈

蒙 兩人相絆相與悖戾心不同爭訟凶然

需 北辰紫宮衣冠立中含和建德常受天福

需之夬
坤之觀

履

訟 遊居石門祿身安全受福西隣婦飲玉泉需之既濟

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔距頤為棘所拘龍額重顙禍不成殃復歸其鄉

泰 薑室蜂戶螫我手足不得進止為吾害咎屯之明夷

否 怒非其怨因拘有遷貪妬腐鼠而呼鴉鳶失反被困

同人 嬰孩求乳母婦其子黃鵬悅喜自樂甘餌

大有 鍼鏤勝服錦繡不成鷹逐雉兔瓜折不得

謙 雨潦集降河梁不通鄒魯閉塞破費市空

豫 封豕溝瀆水潦空谷客止舍宿泥塗至腹處無黍稷

隨 三姦相擾桀跖為交上下騷離隔絕天道

蠱 齊景惑疑為孺子牛嫡庶不明賊孽為患

臨 三羊俱亡走奔南行會暮失跡不知所藏

觀 請伯行賈代山之野夜歷險阻不逢危殆利如澆酒

噬嗑 桑之將落殞其黃葉失勢傾側而無所立

賁 上山求魚入水捕狸布非其婦自令久留

剝 名成德就項領不試景公羞老尼父逝去否之屯

復 天之奧隅堯舜所居以存保身為我國家

無妄 睢鳩淑女賢聖配偶宜家壽福吉慶長久

大畜 兩人俱爭莫能有定心乖不同訟言起凶

頤 涉伯狗名弃禮誅身不得其道成子奔燕

大過 踰江求橘并得大栗烹羊食肉飲酒歌笑

坎 山險難升礮中多石車馳轄擊重傷載軸擔負善躓跌踈

右足乾之謙

離 元利孔福神所子畜般樂無苦得其歡欲

咸 烏鵲食穀張口受哺蒙被恩福長大成就柔順利貞君臣

合好

恒 潼浦蔚蒼膚寸來會津液下降流潦滂沛

遯 路多枳棘步刺我足不利旅客為心作毒損卦同

大壯 虺蝮所聚難以居處毒螫痛甚瘡不可愈

晉 麟鳳相隨觀察安危東郭聖人后稷周公共和政令君子

攸同利以居止長無憂凶

明夷 築亂不時使民恨憂立社為笑君危臣騷

家人 黃帝所生伏羲之宅兵刃不至利以居止屯之萃

睽 雀行求食暮歸屋宿反其室舍安寧無故屯之巽

蹇 太倉積穀天下饒食陰陽調和年歲時熟

解 竿旄旗旌執幟在郊雖有寶珠無路致之師之隨豫之中孚

損 履機蹈顛墜入寒淵行不能前足矮不便

益 嚙命止車和合兩家蛾眉皓齒二國率彊

夬 吉日車攻田弋獲禽宣王飲酒以告嘉功

姤 重伯黃寶宜以我市嫁娶有恩利得過母

萃 延頸望酒不入我口深以自喜利得無有訟之益

升 牧為代守饗食甘賜得吏士意戰大破胡長安國家

困 日出温谷臨照萬國高明淑仁虞夏配德

井 逐兔索烏破我弓車日暮不及失利後時

革 譎言妄語傳相註誤道左失迹不知所處

鼎 履虎躡蛇貶損我威君子失車去其國家

震 本根不固花葉落去更為孤嫗不得相親

艮 五輓四軌優得饒有陳力就列騶虞喜悅
 漸 黃帝紫雲聖且神明光見福祥告我无殃
 歸妹 五利四福俱佃高邑黍稷盛茂多獲藁稻
 豐 羣虎入邑求索肉食大人衛守君不失國
 旅 烏子鵲雛常與母居願慕羣侶不離其巢
 巽 蹇驢不材駮驥失時筋勞力盡罷於沙丘
 兌 玄鬣黑顙東歸高鄉朱鳥道引靈龜載莊遂抵天門見我
 貞君
 渙 探巢得雛鳩鵲來俱使我音娛
 節 安上宜官一日九遷升擢超等牧養常山君臣獲安
 中孚 大頭目明載受嘉福三雀飛來與祿相得
 小過 遠視千里不見黑子離婁之明無益于光

既濟 三女為姦俱遊高園倍室夜行與伯笑言不忍主母失禮
 酒寃 皇天誰告

未濟 日辰不和強弱相振一雌兩雄客勝主人

泰之第十一

泰 求玉陳國留連東域須我王孫四月來復主君有德蒙恩
 受福

乾 伯夷叔齊貞廉之師以德防患憂禍不存比之

坤 濟深難渡濡我衣袴五子善擢脫無他故他字一作衣

屯 倚立相望適得道通驅駕奔馳比目同床

蒙 葛藟蒙棘花不得實讒佞為政使恩壅塞師之中孚

需 四足無角君子所服南征述職與福相得

訟 踈踵之傷左指病癱失旅後時利走不來蒙之履

泰

易林三

六

師 春城夏國生長之域可以服食保全家國
比 望驥不來駒蹇為憂雨驚我心風撼我肌

小畜久客無牀思婦我鄉雷雨涌盈道不得通
履 舫船備水旁可燃火積善有徵終身無禍

否 陟岵望母役事未已王政無監不得相保
同人多載重負捐棄于野子母誰子但自勞苦師之始

大有生直地乳上皇大喜賜我福祉受命無極
謙 翁翁鞫鞫稍墮山顛滅其令名長沒不全否之離

豫 東隣嫁女為王妃后莊公築館以尊王母歸于京師季姜
悅喜

隨 伯虎仲熊德義淵閎使布五穀陰陽順叙坤之始益之屯
蠱 敏捷敬疾如援升木彤弓雖調終不能獲

臨 舉被覆目不見日月衣裘簟床就長夜室坤之隨

觀 忍醜少羞無面有頭虛日以弊消寡耗滅
噬嗑涸陰沍寒常冰不温令人墮怠電大為災

賁 夏麥麩麩霜擊其芒疾君敗國使民夭傷
剝 淵涸龍憂箕子為奴午叔隕命殷破其家午當作干謂比干也

復 跛躄相隨日暮牛罷陵遲後旅失利亡雌
無妄桑之將落隕其黃葉失勢傾側如無所立

大畜生長以時長育根本陰陽和德歲樂無憂
頤 童女無夫未有匹配陰陽不和空坐獨宿

大過春令原宥仁德不合三聖攸同周國茂興
坎 金精耀怒帶劍過午兩虎相距雖驚无咎

離 危坐至暮請求不得膏澤不降政戾民忒

咸 老揚日衰條多枯枝爵級不進日下摧墮蒙之

恒 蔡侯適楚留連江濱踰時歷月思其君后

遯 右撫劍頭左受鈎帶凶訟不止相與爭戾失利市肆

大壯 水流趨下遠至東海求我所有買鮪與鯉訟之比

晉 登几上輿駕駟南遊合縱散衡燕秦以強

明夷 求兔得獐過其所望歡以相迎高位夷傷

家人 過時不歸道遠且迷旅人心悲使我徘徊

睽 羸孤無室街指含食盜張民饋見敵失肉

蹇 居如轉丸危不得安東西不寧動生憂患

解 坤厚地德庶物蕃息平康正直以綏大福

損 捌蔽壯荆生賢山傍仇敵背憎孰肯相迎

益 鳳凰街書賜我玄珪封為晉侯

夬 作凶不善相牽入井溺陷辜罪禍至憂有

姤 悲鳴北行失其長兄伯仲不幸骸骨散亡

萃 羔衣豹裘高易我家君子維好

升 日中為市各抱所有交易資貨貪珠懷寶心悅歡喜

困 振急絕理常陽不雨物病焦乾華實無有

井 狐貉載剝徙温厚薦寒棘為疾有所不足

革 履踐危難脫執去患入福喜門見誨大君

鼎 四亂不安東西為患退止我足毋出國城乃得全完賴其

生福

震 南國少子才略美好求我長女賤薄不與反得醜惡後乃

大悔比之漸

艮 妄怒失理陽孤無輔物病焦枯年飢於黍

漸 倬然遠谷避患害早田獲三狐見民為寶
 婦妹逐鹿山巔利去我西維邪南北無所不得
 豐 龍蛇所聚大水來處滑滑涕涕使我無賴
 旅 從風吹火牽騏驎尾易為功力因催受福
 巽 澤狗水鳧難畜少雖不為家饒心其函逋
 兌 水壞我里東流為海龜鳧謹囂不覩慈母
 渙 褰衣涉行水深清多賴幸舟子濟脫無他訟之萃
 節 龜厭河海陸行不止自令枯槁失其都市憂悔為咎亦無
 及已

中孚同本異業樂仁政德東隣慕義來興我國
 小過桃李花實累累日息長大成熟甘美可食為我利福
 既濟重瞳四乳聰明順理無隱不形微視千里災害不作君子

集聚

未濟實沈參墟以義討尤次止結盟以成霸功

否之第十二

否 秦為虎狼與晉爭強併吞其國號曰始皇
 乾 天之奧府眾利所聚可以饒有樂我君子謙之豫
 坤 天之所災凶不可居轉徙獲福留止危憂
 屯 名成德就項領不試景公耄老尼父逝去履之剝
 蒙 特善避患福祿常存雖有豺虎不能危患
 需 避患東西反入禍門糠糟不屬憂動我心訟之未濟
 訟 珪璧琮璋執贄見王百里甯越應聘齊秦需之井
 師 揚水潛鑿使君潔白衣素朱表遊戲臯沃得君所願心志
 娛樂

否

易林三

九

比 官爵相保居之無咎求免不得怕使恨悔

小畜載元無禪羸程出門小兒作笑君為憂患

履 把珠入口為我利寶得吾所有欣然嘉喜

泰 行不如還直不如屈進不若退可以安吉

同人眾鬼凡聚還生大怪九身無頭鬼驚鬼去不可以居

大有家給人足頌聲並作四夷賓服干戈囊閣

謙 人面鬼口長舌為斧斲破瑚璉殷商絕祀

豫 南山之峻真人所在德配唐虞天命為子保佑飲享身受
大慶

隨 春桃生花季女宜家受福多年男為邦君師之坤

蠱 鷓鴣破斧冲人危殆賴其忠德轉禍為福傾危復立

臨 猿墮高木不踈手足保我金玉還歸其室訟之艮益之豫蒙之隨

觀 天之奧隅堯舜所居可以存身保我邦家履之復

噬嗑伯蹇叔盲足病難行終日至暮不離其鄉

賁 日月相望光明盛昌三聖茂功仁德大隆師之節蒙之謙

剝 桃李花實累累日息長女成就甘美可食泰之小過

復 入和出明動作有光運轉休息動作尤康

無妄陰冥一作衰老極陽建其德履離載光天下昭明功業不長

大畜行役未已新事復起姬姜勞苦不得休息

頤 狐鳴苑北飢無所食困於空丘莫與同力

大過雄聖伏名人匿麟遠走鳳飛北擾亂未息

坎 病貧望幸使伯行販開牢擇羊多得大牂訟之遯

離 翁翁鞦韆稍稍崩顛滅其令名長沒不存泰之謙噬嗑之坎

咸 花薄實稿衣弊如絡女功不成絲布如玉
恒 温山松栢常茂不落鸞鳳所止得以歡樂需之坤
遯 失恃母友嘉偶出走攫如失兔僕如虐狗虐作喪
大壯 太乙駕騮從天上求徵我叔季封為魯侯屯之隨需之比
晉 雙鳧俱飛欲歸稻池徑涉翟澤為矢所射傷我胸臆屯之旅
明夷 深坑復平天下安寧意娛心樂頗福長生
家人 俱為天民雲過吾西風伯雨師與我無恩
睽 野鳥山鵲來集交傳三鳥四散主人勝客
蹇 北陰司寒堅冰不温凌人情怠大雹為災
解 伊尹致仕去桀耕野執順以傳反和無咎
損 北風牽手相從笑語伯歌季舞燕樂以喜
益 從巢去家南過白馬東西受福與母相得

夬 鳥飛跛兩兩相和不病四支但去莫疑
姤 三年生駒以戌為母荆夷上侵姬伯出走坤之震需之訟
萃 破筐敝宮弃捐於道壞落穿敗不復為寶
升 結紐得解憂不為禍食利供家受福安坐
困 白日陽光雷車避藏雲雨不行各自止鄉
井 杜口結舌心中佛鬱凶災生患無所告冤否之巽比之咸
革 賈貝贖狸不聽我辭繫於虎鬣牽不得來需之睽
鼎 持鶴抱子見蛇何咎室家俱在不失其所
震 逐兔山西利走入門賴我仁德獲為我福
艮 興役不休與民爭時牛生五趾行危為憂
漸 春粟夏梨少鮮希有斗千石萬貴不可販
歸 妹悲號北行失其長兄伯仲不幸骸骨散亡

豐 賦斂重數政為民賊杼軸空盡家去其室
旅 履服白縞殃咎並到憂不敢笑

兌 免冠進賢步行出朝門體不正賊孽為患

巽 杜口結舌言為禍母代伯受患無所禱寃否之井比之咸

渙 娶於姜女駕迎新婦少齊在門夫子悅喜

節 牧羊稻園聞虎喧嘩思恐悚息終無禍患屯之復

中孚 老妾据機緯絕不知女功不成冬寒無衣

小過 乘龍吐光使陰復明燎獵載聖六師以昌

既濟 東隣嫁女為王妃后莊公築館以尊主母歸於京師季姜

悅喜屯之觀

未濟 灌鵠東從道頓跌跣日食不退病為身禍

焦氏易林卷第三

焦氏易林卷第四

同人之第十三

同人 密橐山巔銷鋒鑄刃示不復用天下大勸

乾 一臂六手不便於口莫肯與用利弃我走

坤 獐鹿逐牧飽歸其居安寧無悔

屯 鴻魚逆流至人潛渚蓬蒿代柱大屋顛倒

蒙 三殺五牂相隨俱行迷入空澤經涉六駮為所傷賊

需 黃帝出遊駕龍乘馬東上太山南過齊魯邦國咸喜

訟 履危不安心欲東西步走逐鹿空無所得

師 望尚阿衡太宰周公藩屏湯武立為侯王

比 白龍黑虎起伏俱怒戰於阪兆蚩尤走敗死於魯首蒙之坎益

之比

同人

力本日

士礼居藏

小畜載石上山步跌不前嘖眉之憂不得所歡

履周德既成杼軸不傾申酉跌暮耄老衰去箴石不祐

泰乘雲帶雨與飛鳥俱動舉千里見我慈母

否賈貝贖狸不聽我辭繫我虎鬚牽不得來

大有三翼飛來是我逢時俱行先至多得大利

謙兩足四翼飛入家國寧我伯子與母相得

豫按民呼池玉盃文案魚如白雲一國獲願

隨季姬踟躕望我城隅終日至暮不見齊侯君上無憂

蠱龍渴求飲黑雲影從河伯奉觴跪進酒漿流潦滂滂

臨出門逢患與福為怨更相擊刺傷我手端

觀播天舞地神明所守安樂無咎

噬嗑兩金相擊勇氣鈞敵終日大戰不破不缺

賁車雖駕兩紉絕馬奔出雙輪脫行不至道遇害

剝文山紫芝雍梁朱草長生和氣王以為寶公尸侑食福祿

來處

復把珠入口為我畜寶得吾所有欣然嘉喜

無妄負牛上山力劣行難烈風雨雪遮過我前中道復還憂者

得歡

大畜陶朱白珪善賈息資三致千金德施上人

頤子鉏執麟春秋作元陰聖將終尼父悲心

大過春日載陽福履齊長四時不忒與樂為昌

坎孔德如玉出於幽谷飛上喬木鼓其羽翼大光照國坤之比

離甌脫康居慕仁入朝湛露之歡三爵畢恩復歸窮廬以安

其居

咸 秋冬夜行照覽星辰道理利通終身何患
恒 鳴鵠抱子見蛇何咎室家俱在不失其所
遯 安和泰山福祿屢臻雖有豺虎不能危身
大壯老目瞢眠不知東西君失理命以直為僂王珎其寶
晉 植壁秉珪請命于河周公剋敏冲人瘳愈
明夷大王執政歲孰民富國家豐有主者有喜
家人爭訟相背和氣不處陰陽俱否穀風無子
睽 齊魯爭言戰於龍門構怨結禍三世不安比之蠱
坤之離
蹇 鹿得美草嗚呼其友九族和穆不離邦域
解 百里南行雖微復明去虞適秦為穆國卿
損 梅李冬實國多寇賊亂擾並作王不能制屯之
師
益 府藏之富王以賑貸捕魚河海苟罔多得巨蛇大輶戰於

國郊君遂走逝比之臨
損之睽

夬 杜飛門啓患憂大解去老乘馬不為身禍需之
允

姤 宜昌娶婦東家歌舞長樂歡喜

萃 正陽之央甲氏以亡禍及留吁湮滅為墟

升 鳥過稻廬甘樂麴鮓雖驅不去田畷懷憂

困 跛躄俱行日暮車傷失旅乏糧

井 龍門水穴流行不害民安其土君臣相保

革 山陵四塞過我徑路欲前不得復還故處

鼎 兩虎爭鬪血流漂杵城郭空墟蒿藜塞道

艮 龍生無常或托空葉憑乘風雲為堯立功

震 依叔墻隅志下心勞楚亭晨食韓子低頭

漸 魁行搖尾逐雲吹水汙泥為陸下田為稷

婦妹跛躄相隨日暮牛罷陵遲後旅失利亡雌

豐 三人俱行北求大牂長孟病足請季負囊柳下之寶不失

驪黃

旅 鳳凰在左麒麟在右仁聖相遇伊呂集聚傷害不至時無

殃咎福為我母

訟之咸

巽 乘筏渡海雖深不殆曾孫皇祖累累具在

允 比目四翼來安吾國賚福上堂與我同床

比之離損之隨

渙 娶於姜呂駕迎新婦少齊在門夫子悅喜

否之渙

節 螟虫為賊害我稼穡盡禾單麥秋無所得

中孚 衣裳顛倒為王來呼成就東周邦國大休

小過 王孫季子相與為友明允篤誠升擢慶舉

既濟 踊泉滑滑流行不絕汙為江海敗毀邑里家無所處聞虎

不懼向我笑喜

未濟 桑戶竊脂啄粟不宜亂政無常使心孔明

大有之第十四

大有 白虎張牙征伐東來朱雀前驅讚道說辭敵人請服銜璧

前趨

乾 南山太行困於空桑老沙為石牛馬無糧

坤 蟠枝失岐與母別離絕不相知

屯 謹謹所言莫知我恒懽樂堅固可以長安

乾之困

蒙 李梅零墜心思憤憤懷憂少愧亂我鬼氣

需 火雖熾在吾後寇雖多在吾右身安吉不危殆

訟 虎卧山隅鹿過後胸弓矢設張狷為功曹伏不敢起逐至

平野得我美草

大有

易林曰

四

師 三火起明兩滅其光高位疾巔驕恣誅傷
比 匹君楚馬遇讒無辜久旅離憂

小畜一室百子同公異母以義防患禍災不起

履 商人行旅資所無有貪貝利珠留連王市還旋內顧公子

何咎

泰 禹將為君北入崑崙稍進揚光登入溫湯代舜為治功德

昭明

否 乾行天德覆幬無極嘔呼烹熟使各自得

同人南國盛茂黍稷醴酒可以享老樂以嘉友

謙 方船備水旁河然火終身無禍

豫 雷行相逐無有休息戰於平陸為夷所覆

隨 躑躅踟躕拊心搔頭五晝四夜睹我齊侯

蠱 大口宣唇神使伸言黃龍景星出應侯門與福上天天下

安昌 需之萃

臨 陰衰老極陽建其德離陽載光天下昭明 否之無妄 坤之未濟

觀 三塗五岳陽城太室神明所伏獨無兵革

噬嗑年豐歲熟政仁民樂利以居止旅人獲福

賁 楚鳥逢天不時久放離居無羣意味精喪作此哀詩以告

孔憂

剝 出門大步與凶惡忤罵公言母為我憂恥

復 火至井谷陽芒生角犯歷天戶闕觀太微登上玉牀家易

六公

無妄牧羊逢狼雖憂不傷畏怖既息終無禍殃

大畜繭栗犧牲敬奉貴神享者飲食受福多孫望季不來孔聖

厄陳乾之旅

順 大蓋治床南歸殺羊長伯為我多得牛馬利於徙居

大過枯樹無枝與子分離飢寒莫養獨立哀悲

坎 天地九重堯舜履中正冠垂裳宇宙平康

離 鳧鷖遊涇君子以寧履德不愆福祿來成

咸 羸禮逐狐為人觀笑牝雞司晨主作亂根

恒 典冊法書藏在蘭臺雖遭亂潰獨不遇災大過坤之大畜

遯 三癡俱狂欲之平鄉迷惑失道不知昏明

大壯瘦瘤瘍疥為身瘡害疾病癰痢常不屬逮

晉 三豕俱走鬪於虎口白豕不勝死於坂下

明夷賴先之光受德之佑雖遭顛沛獨不凶咎

家人上義崇德以建大福明哲且聰周武立功

睽 四亂不安東西為患身止無功不出國城乃得全完賴其

生福

蹇 金牙鐵齒西王母子無有患殆減害道利小畜之大畜

解 賀喜從福曰利蕃息歡樂有得

損 昊天白日照臨我國萬民康寧咸賴嘉福

益 左眇右盲視闇不明不民多孽君失其常

夬 吾家黍稷積委道傍有囊服箱運到我鄉藏於嘉倉

姤 殊類異路心不相慕牝豕無猥鰥無室家

萃 雀行求食出門見鷓顛蹶上下幾無所處

升 野有積庚稽人駕取不逢虎狼暮歸其宇

困 膚敏之德發憤忘食虎豹禽說為王求福師之觀虎當作虜

井 光祀春成陳項雞鳴陽明失道不能自守

革 左抱金玉右得熊足常盈不亡獲心所欲
鼎 履泥汙足名困身辱兩仇相得身為痛瘡
震 安居重遷不去其亶未來相聞樂得常產
艮 天災所遊凶不可居轉徙獲福留止危憂
漸 昧昧墨墨不知白黑景雲亂擾光明隱伏犬戎來攻幽主
失國
婦妹鳧雁啞啞以水為宅雌雄相和心志娛樂得其所欲大畜之鼎
豐 長生無極子孫千億栢柱載器堅固不傾
旅 麒麟鳳凰善政得祥陰陽和調國無災殃
巽 天之奧隅堯舜所居可以存身保我室家
兌 配合相迎利之四鄰昏以為期與福笑喜
渙 砥德礪材果當成周拜受大命封為齊侯

節 與福俱坐畜水備火思患豫防終無殃禍
中孚晨昏潛處候明昭昭卒連白日為世榮主
小過視日再光與天相望長生懽悅以福為多日當作日
既濟大頭明目載受嘉福之雀飛來與祿相單
未濟梗生荆山命載輸班袍衣剝脫夏熱冬寒立餓枯槁眾人
莫憐

謙之第十五

謙 王喬無病苟頭不痛亡破失履之我送從
乾 喋囁處矐昧冥相待多言少實終無成事

坤 北辰紫宮衣冠立中含和建德常受大福鉉刀攻玉堅不
可得

屯 東壁餘光數暗不明主母嫉妬亂我事業

謙

易本四

六

蒙 下背其上盜明相讓嬰子兩頭陳破其虛

需 鳳生會稽稍巨能飛翱翔往來為眾鳥雄

訟 鑿井求玉非卞氏寶名困身辱勞無所得

師 邦桀載役道至東萊百僚具舉君王嘉喜

比 安息康居異國同廬非吾邦域使伯憂惑

小畜 江河淮海天之都市商人受福國家富有

履 同本異葉樂仁上德東鄰慕義來興吾國

泰 白鶴銜珠夜食為明懷我德音身受光榮

否 踐履危難脫厄去患入福喜門見吾邦君

同人 宮商既和聲音相隨驪駒在門主君以歡

大有 天地配享六位光明陰陽順序以成厥功

豫 江河淮海天之奧府眾利所聚可以饒有樂我君子

否之坤

一作師卦 一作訟卦

隨 雙鳥俱飛欲歸稻池經涉藿澤為矢所射傷我胸臆

之晉

蠱 留仲叔季日暮寢寐羸卧失限虐我具囊銜却道傍

臨 受終文祖承衰復起以義自閉雖苦無咎

觀 据斗運樞順天無憂與天並居

噬嗑 周師伐紂戰於牧野甲子平旦天下悅喜

賁 十雌百雛常與母俱抱雞搏虎誰敢害諸

剝 桀跖並處人民愁苦擁兵荷糧戰於齊魯

復 南山昊天刺政閔身疾悲無辜背憎為仇

無妄 百川朝海流行不止道雖遼遠無不到者

大畜 目不可合憂來搖足悚惕為懼去我邦域

頤 鳥升鵠舉照臨東海龍降庭堅為陶叔後封於英六履祿

綏厚

大過北方多棗橘柚所聚荷囊載黍盈我筐筥

坎 懸恒素餐食非其任失望遠民實勞我心

離 羔羊皮革君子朝服輔政扶德以合萬國

咸 齊魯爭言戰於龍門構怨致禍三歲不安坤之離同人
之睽比之蠱

恒 久陰霖雨塗行泥潦商人休止市無所有

遯 桃雀竊脂巢於小枝搖動不安為風所吹寒心慄慄常憂

殆危

大壯防患備災凶惡不來雖困無憂未獲安休

晉 引順絕糧與母異門不見所懼孰與共言

明夷 鮪鰕去海藏於枯里街巷褊隘不得自在南北極遠渴餒

成疾

家人 恭寬信敏功加四海辟去不祥喜來從母

睽 歲飢無年虐政害民乾谿驪山秦楚結怨

蹇 右目無瞳偏視寡明十步之外不知何公

解 蝸蟾歡喜草木嘉茂百菓蕃熾日益多有

損 常德自如安坐無尤萃入貴鄉到老安榮絕一作無

益 狡兔趨趨良犬逐咋雄雉受害為鷹所獲

夬 春桃生花季女宜家受福多年男為封君

姤 山石朽弊稍崩墜落上下離心君受其祟

萃 水壞我里東流為海龜息謹囂不睹我家

升 七竅龍身造易八元法天則地順時施恩富貴長存

困 四夷慕德來與我國文君陟降同受福德

井 華首山頭仙道所遊利以居止長無咎憂

革 鷓鴣徙巢西至平州遭逢雷電闢我葦蘆室家飢寒思吾
故初

鼎 狗無前足陰謀叛背為身害賊

震 陽孤亢極多所恨惑車傾蓋亡身常驚惶乃得其願雌雄
相從乾之

艮 空槽注猪豚彘不到張弓祝雞雄父飛去

漸 長夜短日陰為陽賊萬物空枯藏於北陸

歸妹 爪牙之士怨毒祈父轉憂與已傷不及母

豐 拜跪請免不德是腐挽眉銜指低頭北去

旅 有莘季女為夏妃后貴夫壽子母字四海

巽 季姜踟躕待孟城隅終日至暮不見齊侯

允 邯鄲反言父兄生患涉叔援俎一死不還

渙 逐鹿山巔利去我西維邪南北利無不得

節 穿鼻繫株為虎所拘王母祝榴禍不成災突然自來

中孚 虎豹能罷遊戲山谷君子仁賢皆得所欲

小過 梅李冬實國多賊盜擾亂並作王不能制

既濟 望幸不到文章未就王子逐兔犬蹄不得

未濟 千柱百梁終不傾僵仁智輔聖周宗寧康

豫之第十六

豫 水將泮散鳴雁噍噍丁男長女可以會同生育聖人

乾 龍馬上山絕無水泉喉嚨唇乾口不能言

坤 蔡侯朝楚留連江濱踰時歷月思其后君

屯 文厄姜里湯拘夏臺仁聖不害數困何憂免於縲索為世

雄侯

豫

易林四

十一

蒙 典冊法書藏在蘭臺雖遭亂潰獨不遇災
需 瓊裘羶國文禮不飭跨馬控弦伐我都邑
訟 星隕如雨弓弱無輔強陽制陰不得安土
師 蝗嚙我稻驅不可去實穗無有但見空藁
比 虎飢欲食為蝟而伏禹導龍門辟咎除患元醜以安
小畜蝙蝠夜藏不敢晝行酒為酸漿魴是鮑羹
履 精華墮落形體醜惡齟齬挫頓枯槁腐蠹
泰 兩足不獲難以遠行疾步不能後旅失時
否 令妻壽母宜家無咎君子之歡得以長久
同人 蚕飢作室昏多亂纏緒不可得
大有 子鉏執麟春秋作元陰聖將終尼父悲心
謙 螟虫為賊害我稼穡禾殫麥盡秋無所得

隨 憂在腹內山崩為疾禍起蕭牆竟制其國
蠱 茹芝餌黃飲食玉瑛與神流通長無憂凶
臨 一夫兩心被刺不深所為無功求事不成
觀 十里望烟散渙四方形容滅亡終不見君
噬嗑 張弓廓弩經涉山道雖有伏虎誰敢害諸
賁 泉閉澤竭王母飢渴君子困窮乃徐有說
剝 野鳶山鵠奕碁六博三梟四散主人勝客
復 羊驚馬走上下揮擾鼓音不絕頃公奔敗
無妄 黃帝神明八子聖聰俱受大福天下康平
大畜 住車醞酒疾風暴起泛亂福器飛揚位草明神降祿道無
害寇
頤 滕蛇乘龍宋鄭飢凶民食草蓬

大過揚水潛鑿使石潔白裏素表朱遨遊臯澤得君所願心志
娛樂

坎 西過虎盧驚其前樞雖憂無尤

離 衣成無袖不知所穿客指東西未得便安

咸 晨風文翰隨時就溫雄雌相和不憂危殆

恒 心多恨悔出言為怪梟鳴于北聲醜可惡請謁不得

遯 離女去夫閔思苦憂齊子無良使我心愁

大壯過時不歸雌雄若悲徘徊外國與叔分離

晉 鵲巢柳樹鳩集其處任力薄德天命不佑

明夷鶴盜我珠逃於東都懷怒追求郭氏之墟不見踪跡使伯

心憂

家人夫婦相背和氣弗處陰陽俱否莊姜無子

睽 月走日步逃不同舍夫妻反目主君失位

蹇 雒陽嫁女善逐人走三寡失夫婦妬無子

解 周德既成杼軸不傾太宰東西夏國康寧

損 日中為市交易資寶各利所有心悅以喜

益 童妾獨宿長女未室利無所得

夬 忠言輔成王政不傾公劉兆基文武綏之

姤 牛驥同堂郭氏以亡國破為虛主君奔逃

萃 中原有菽以待雉食飲御諸友所求大得

升 多虛少實語不可覆尊虛無酒飛言如雨

困 青蠅集蕃君子信讒害賢傷忠患生婦人

井 履株覆輿馬驚傷車步為我憂

革 商風召寇呼我北盜間諜內應與我爭鬪殫已寶藏主人

不勝

鼎 逸豫好遊不安其家惑於少姬久迷不來

震 吾有驕驢畜之以時東家翁孺來請我車價極可與後無

賤悔

艮 阨窮上通與堯相逢登升大麓國無凶人

漸 衆兔俱走熊罷在後躋不能進失信寡處

歸妹 旁行不遠三思復返心多畏惡中止舍

豐 倉唐奉使中山以孝文侯悅喜擊子徵召

旅 入天門守地戶居安樂不勞苦一說文山蹲鴟肥脂多脂

王孫獲願載福巍巍

巽 登堦上堂見吾父兄左酒右漿與福相迎

允 秋地向穴不失其節夫人姜氏自齊復入

渙 忍醜少羞無面有頭滅耗寡虛日以削銷

節 景星照堂麟鳳遊翔仁施大行頌聲以興


中孚 竿旄旌旗執幟在郊雖有寶珠無路致之師之隨履之解

小過 李華再實鴻卯降集仁德以興陰國受福小畜之離比之訟

既濟 白馬赤烏戰於東都天輔有德敗悔為憂

未濟 採薪得麟大命隕顛豪雄爭名天下四分屯之坤

焦氏易林卷第四



焦氏易林卷第五

隨之第十七

隨 鳥鳴東西迎其羣侶不得自專空返獨還

乾 鼻目易處不知香臭君迷於事失其寵位

坤 唐虞相輔鳥獸喜舞安樂無事國家富有

屯 左輔右弼金玉滿櫃常盈不亡富如教倉師之婦妹蒙之坤

蒙 蒼龍單獨與石相觸摧折兩角

需 鈞目厭部善逐人走來嫁無夫不安其廬

訟 逐虎驅狼避者不祥凶惡北行與喜相逢

師 賈貝贖狸不聽我辭繫於虎鬚牽不得來需之睽同人

比 同載共輿中道別去喪我元夫獨與孤居比之革

小畜奮翅鼓翼將之嘉國愆期失時反得所欲

隨

易林

士礼居藏

履 目傾心惑夏姬在側申公顛倒巫臣亂國
泰 搏鳩彈鵲逐兔山北丸盡日暮失獲無得
否 鹿求其子虎廬之里唐伯季耳貪不我許
同人 敗魚鮑室是无可息上山履塗埽傷我足
大有 華燈百枝消衰暗微精光訖盡奄有灰靡
謙 顏叔子夏遨遊仁宇溫良受福不失其所
豫 梁柱堅固子孫蕃盛福喜盈積終無禍悔
蠱 邊鄙不聳民狎其野穡人成功年歲大有
臨 蛇牛鳴响呼求水潦雲雨大會流成河海
觀 志合意同姬姜相從嘉耦在門夫子悅喜
噬嗑 白馬駮騮更生不休富有商人利得如丘
賁 大姒夏禹經啓九道各有攸家民得安所

剝 甲戌己庚隨時轉行不失其心得且安寧
復 穆違百里使孟厲武將帥襲戰敗於穀口
無妄 茅茹本居與類相扶顧慕羣旅不離其巢
大畜 伯仲叔季日暮寢寐坐卧失明喪其貝囊
頤 亡羊捕牢張氏失牛驛駟奔走鵠盜我魚
大過 雀目燕頰畏昏無光思我狡童不見子克
坎 入暗出明動作有光運轉休息常樂允康
離 不勝私情以利自嬰北室出孤毀其良家
咸 稱幸上靈媚悅於神受福重重子孫蕃功
恒 齊姜叔子天文在位實沉參墟封爲康侯
遯 遨遊無患出入安全長受其權君子萬年
大壯 被服文德升入大麓四門雍肅登受大福

晉 負金懷玉南歸嘉國蜂蠆不螫利入我室 蠆音邁 螫音釋

明夷日在阜顛鄉昧為昏小人成羣君子傷倫

家人水父海母先來鳴响澤臯之土從高而處

睽 東隣少女為王長婦柔順利貞宜夫壽子

蹇 戴餅望天不見星辰願小失大福逃於外 願當作願

解 王喬不病狗頭不痛三尸失履乏我逆從

損 使燕築室身無庇宿家不容車微我衣服

益 威權分離烏夜徘徊爭蔽月光大人誅傷 家人之无妄

夬 辯變白黑巧言亂國大人失福君子迷惑

姤 依踞甲鎧蔽筐受貝大人不顧少婦不取弃捐於道

萃 燕雀銜茆以生孚乳兄弟六人妓好悌孝得心歡欣和悅

相樂 小畜之允

升 登几上輿駕駟南遊合從散衡燕秦以僵

困 黷黷許許仇偶相得冰入炭室消亡不息 許許當作許許

井 鷓鴣破芥邦人危殆賴其忠德轉禍為福傾亡復立

革 載金販狗利奔我走藏匿淵渠悔折為咎

鼎 泉坑復平宇室安寧憂患解除賴福長生

震 驪姬讒嬉與二孽謀諧啄恭子賊害忠孝駕出嘉門商伯

有喜

艮 刺羊不當血少無羹女執空筐不得採桑

漸 牧羊稻園聞虎喧囂畏懼悚息終無禍患

歸妹明德隱伏麟鳳遠匿周室傾側不知所息

豐 隣不我顧而求玉女身多禿癩誰肯媚者

旅 初雖無輿後得戰車賴幸逢福不懼兵革

巽 水壞我里東流為海龜鳧謹置不睹王母
允 兩心不同或欲西東明論終始莫適所從
渙 天帝懸車廢禮不朝禳福不制失其寵家
節 交川合浦遠濕難處水土不同思吾皇祖
中孚勾踐之危棲於會稽太宰機言越國復存
小過慈烏鳴鳩執一無尤寢門內治君子悅喜隨之大壯
既濟當年早寡獨立孤居雞鳴犬吠無敢問諸我生不遇獨離
寒苦

未濟江河變服淫酒無側高位顛崩寵祿反覆

蠱之第十八

蠱 魴生江淮一轉為百周流天下無有難惡
乾 首澤與目載受福慶我有好爵與汝相迎

坤 鞫鞫鞫鞫歲莫偏蔽寵名捐弃君衰在位
屯 折若蔽日蘭屏王目司馬無良平子沒傷
蒙 家在海隅撓繞深流王孫單行無安以趨
需 執義秉德不危不殆延頸盤桓安其室檀屯耗未得終無

大恤

訟 長舌亂家大斧破車陽陰不得姬姜衰憂
師 二人異路東趨西步千里之外不相知處
比 視暗不見雲蔽日光不見子都鄭人心傷
小畜初憂後喜與福為市八佾列陳飲御嘉友
履 童妾獨宿長女未室利無所得

泰 玄黃四塞陰雌伏謀呼我墻屋為巫所識
否 中復摧頽常恐衰微老復賴慶五穀為相

蠱

易林五

相

同人伯氏殺羊行悖天時亳社夷燒朝歌丘墟
大有日短夜長祿命分張早離父兄免見憂傷
謙 采唐沫鄉期于桑中失期不會憂思約帶
豫 昧視無光夜不見明冥抵空床季葉逃亡
隨 舉趾振翼南至嘉國見我伯姊與惠相得
臨 則天順時周流其墟與樂並居元有咎憂
觀 蠶室蜂戶螫我手足不可進取為吾害咎
噬嗑公孫駕驪載遊東齊延陵悅產遺季紵衣
賁 轉作驪山大失人心劉季發怒禽滅子嬰
剝 羊腸九縈相推稍前止須王孫乃能上天
復 蟠竦充側佞人傾惑女謁橫行正道壅塞
無妄福祿不遂家多怪祟麋鹿悲啼思其大雄

大畜雲雷因積大雨重疊久不見日使心悒悒
頤 三河俱合水怒踊躍壞我王室民困無食
大過旦雨夜行早遍辟城更相覆傾終無所成
坎 褒后生地垂老盲微側跌哀公酉滅黃離
離 鴻雁南飛隨時休息轉逐天和千歲不衰
咸 後時失利不得所欲莫亨偕結自逐自逐
恒 心多恨悔出言為怪梟鳴室北醜聲可惡請謁不得
遯 四馬過隙時難再得尼父孔聖繫而不食
大壯陰變為陽女化為男浴道得通君臣相承
晉 崑崙源口流行不止龍門砥柱民不安處母歸孩子黃麕
悅喜

明夷葛屨蒙棘華不得實讒佞亂政使恩壅塞

家人公無長驅大王駿馬非其當所傷折為害
睽 大倉充盈庶民蕃盛年歲熟榮

蹇 執黃炤犧為風所吹火滅無光不見玄黃
解 鳥反故巢歸其室家必平意正與叔相和登高殞墜失其

寵貴

損 弩弛弓藏良犬不行內無怨女征夫在堂

益 特犧孔博日新其德文公燎獵姜氏受福

夬 季秋孟冬寒露霜降大陰在庭品物不生雞犬夜鳴家擾

數驚

姤 心多恨悔出門見怪有蛇三足醜聲可惡嫫母為媒請求

不得

萃 虎豹爭強道閉不通小人謹訟貪夫受空

升 雞方啄粟為狐所逐走不得食惶惧惕息

困 陳媯敬仲兆興齊姜乃適營丘八世大昌

井 昊天白日照臨我國萬民康寧咸賴嘉福

革 雲夢大藪嘉有所在虞人共職驪駒樂喜

鼎 獐鹿雞兔羣聚康國俱往逐追九辭十得主君有喜

震 德惠孔明雖衰復章保其室堂

艮 天之所壞不可強支眾口嘈嘈雖貴必危

漸 天之奧隅堯舜所居可以全身保我邦家

歸妹 下泉苞稂十年無玉荀伯遇時憂念周京

豐 江河海隅眾利聚居可以遨遊卒歲無憂

旅 南山黃竹三身六目出入制命東皇宣政主尊君安鄭國

無患

巽 重驛置之來除我憂與喜俱居同其福休

允 南山高崗麟鳳室堂含和履中國無災殃

渙 紫芝朱草與仙為侶公尸侑食福祿來下

節 宮成室就進樂相舞英俊在堂福祿光明

中孚商人子孫資無所有貪狼逐狐留連都市還轅內鄉嘉喜

何咎

小過執贄入朝獻其孤裘元戎燮安沙漠以懽

既濟湧泉汨汨南流不絕壞敗邑里家無所處

未濟固陰沍寒常冰不溫凌人情怠大雹為災

臨之第十九

臨 弱水之上有西王母生不知老與天相保行者危怠利居

善喜

乾 黃犍生馬白成為母晉師在郊虞公出走

坤 倉唐奉使中山以孝文侯悅喜擊子徵召

屯 機關不便不能出言精誠不通為人所寃

蒙 白茅醴酒靈巫拜禱神嗜飲食使君壽考

需 重瞳四乳耳聰目明普為仁表聖作元輔

訟 水長無船破城壞堤夫從役困于泥塗一朝喪殞不見

少妻

師 二人俱行各遺其囊鴻鵠失珠無以為明

比 隨時轉行不失其常咸樂厥類身無咎殃

小畜蔡女蕩舟為國患憂衰后在側屏蔽王目搔擾六國

履 駕龍騎虎周遍天下為人所使西見王母不憂不殆

泰 員怨之吳畫策闔閭鞭平服荆除大咎殃威震敵國還受

臨

易林五

六

上卿

否 唐邑之墟晉人之居虞叔受福寔沈是國世載其樂
 同人管鮑相知至德不離三言相桓齊國以安
 大有三十無室長女獨宿心勞未得憂在胸臆
 謙 散渙水長風吹我鄉火滅無光墮敗桓公
 豫 飛蝗蠕動各有配偶小大相保咸得其所
 隨 安樂几筵未出王門
 蠱 火生月窟上下恩塞猷亂我國
 觀 長生無極子孫千億栢柱載青堅固不傾
 噬嗑欽敬昊天麻象星辰宣授民時陰陽和調
 賁 三河俱合水怒踴躍壞我王屋民困於食
 剝 壽如松喬與日月俱常安康樂不見禍憂

復 天之所予福祿常在不憂危殆
 無妄受讖六符招搖空虛雖跌無憂保我全財
 大畜賚金買車失道後時勞罷為憂我心則休
 頤 華首山頭仙道所遊利以居止長無憂咎
 大過采唐沫鄉要期祭中失信不會憂思約帶
 坎 八面九口長舌為斧斲破瑚璉殷商絕後
 離 臨溪蟠枝雖恐不危樂以笑歌
 咸 泱泱沸溢水泉為害使我無賴
 恒 蝗螟為賊傷害稼穡愁飢於年農夫鮮食
 遯 八百諸侯不期同時慕西文德興我宗族家門雍雍
 大壯長男少女相向笑語來歡致福和悅樂喜
 晉 平國不君夏氏作亂烏號竊發靈公殞命

明夷春多膏澤夏潤優渥稼穡熟成畝獲百斛
家人客宿卧寒席蓐不安行危爲害留止得歡
睽 乘桴於海雖懼不殆母載其子終焉何咎
蹇 手拙不便不能伐檀車無軸轅行者苦難
解 唐虞相輔鳥獸喜舞民安無事國家富有
損 秋蛇向穴不失其節夫人姜氏自齊復入
益 病篤難醫和不能治命終斯訖下即蒿廬
夬 青蛉如雲城邑閉門國君衛守民困於患
姤 牙孽生齒室堂啓戶幽人利貞鼓翼起舞
萃 鳧游江海没行千里以爲死亡復見空桑長生樂鄉
升 黃帝出遊駕龍乘馬東上太山南遊齊魯邦國咸喜
困 履危不止與鬼相視驚恐失氣如騎虎尾

井 秋南春北不失消息涉和履中時無隱慝
革 龍門砥柱通利水道百川順流民安其居
鼎 千歲廟堂棟橈傾僵天厭周德失其寵光
震 折若蔽目不見稚叔三足孤鳥遠離室家
艮 望叔山北陵隔我目不見所得使我憂惑
漸 匏瓠之恩一畝千室萬國都邑北門有福
歸妹 域域牧牧憂禍相半隔以巖山室家分散
豐 騏驎駮耳遊食萍草逍遙石門循山上下不失其所
旅 天所祚昌文以爲良篤生武王姬受其福
巽 羊腸九縈相推稍前止須王孫乃能上天
兌 貧鬼守門日破我盆孤牝不駒雞不成雛
渙 飽食從容出門上堂不失其常家無凶殃

節 陰淫不止白馬為洵臯澤之子就高而處

中孚執戈俱立以備暴急千人守門因以益卑終安何畏

小過夾河為婚水長無船遙心失望不見歡君

既濟陰陽變化各得其宜上下順通奏為膚功

未濟任劣德薄失其臣妾田不見禽犬無所齧

觀之第二十

觀 歷山之下虞舜所處躬耕致孝名聞四海為堯所薦績位

天子

乾 蛭飛蠕動各有所配歡悅相逢咸得其處

坤 繼祀宗邑追明成康光照萬國享世久長疾病不醫下即

蒿廬

屯 秋冬探巢不得鵲雛銜指北去媿我少姬

蒙 童妾獨宿長女未室利無所得

需 鴻波逆流主人潛去蒿蓬代柱大屋顛仆

訟 日闇不明讒夫在堂左辟疾瘁君失其光

師 王孫季子相與孝友明允篤誠昇擢薦舉為國幹輔

比 麟趾龍身日取五千南上蒼梧與福為昏道里夷易安全

無患

小畜三子成駒破其堅車輪載空輿後時失期

履 逐禍除患道德神仙過惡萬里常歡以安

泰 黃池之盟吳晉爭強勾踐為患夷國不安

否 青牛白咽呼我俱田歷山之下可以多耕歲露時節人民

安寧

呼我句一作招我于田

同人 有頭無目不見菽粟消耗為疾三年不復

觀

易林五

十

大有山没丘浮陸為水魚燕雀無巢民無室廬

謙 高崗鳳凰朝陽梧桐嚙嚙啾啾奉奉萋萋陳辭不多以告

孔嘉

豫 鰥寡獨宿憂動胸臆莫與宿食

隨 馬踏破車惡婦破家青蠅汙白共子離居

蠱 長女三嫁進退不羞逐狐作妖行者離憂

臨 人無定法緩除才出地雄走婦陽不制陰男失其家

噬嗑茹芝餌黃飲食玉英與神流通長無憂凶

賁 東行無門西出華山道塞畏難遊子為患

剝 壽如松喬與日月俱常安康樂不罹禍憂

復 探穀得螽所願不喜道宜小人君子咎蹇

無妄蝸螺生子深目黑醜雖飾相就眾人莫取

大畜喜怒不時雪霜為災稼穡無功后稷飢憂

頤 烏升鵲舉照流東海雁降庭堅為陶叔後封圻蓼六履祿

綏厚

大過黃離日照我四國元首昭明民賴其福

坎 黍稷醇醲敬奉山宗神嗜飲食甘雨嘉降獨蒙福力時災

不至

離 福過我里入門笑喜與吾利市

咸 晝卧里門悚惕不安日不得闕鬼搔我足

恒 春草榮華長女宜夫受福多年世有封祿

遯 雍門內崩賊賢傷人暴亂狂悖簡公失位

大壯心志無良昌披妄行觸抵墻壁不見戶房

晉 膠車木馬不利遠賈出門為患安止得全

明夷家在海隅撓短流深企立望宋無木以趨
家人冬葉枯槁當風於道蒙被塵埃左右勞苦
睽 過時不行妄逐王公老女失度不安其居
蹇 履泥污足名困身辱兩仇相當身為疾病
解 精華墮落形體醜惡齟齬控頓枯槁腐蠹
損 長生無極子孫千億栢柱載青堅固不傾
益 去辛就蓼毒愈酷毒避穿入坑憂患日生
夬 行堯欽德養賢致福眾英積聚國無寇賊
姤 狗逐兔走俱入谷口與虎逢晤迫不得去
萃 望尚阿衡太宰周公藩屏湯武立為侯王
升 清人高子久屯野外逍遙不歸思我慈母
困 三虫作蠱削跡無與勝毋盜泉君不安處

井 驢作龍身進所無前三日五夜得其所欽
革 黃裏綠衣君服不宜滛酒毀常失其寵光
鼎 天所顧祐禍災不至安吉不懼
震 盤紆九迴行道留難止須子止乃睹所歡
艮 暴虐失國為下所逐北奔陰月王居旄頭
漸 御驛從龍至于華東與離相逢送致于邦
歸妹 銅人鐵距雨露勞苦終日卒歲無有休息
豐 大人失宜盈滿復虧長冬之木盛者減衰
旅 梅李冬實國多盜賊亂擾並作王不能制
巽 澤枯無魚山童無株長女嫉妬使身空虛
兌 天門東虛既盡為災臙睞黯蒼秦伯受殃
渙 褰衣涉河水深漬衣賴幸舟子濟脫無他

節 推車上山高仰重難終日至暮惟見阜顛
中孚鼎易其耳熱不可舉大路壅塞旅人心苦
小過四亂不安東西為患退身止足無出邦域乃得完全賴其

生福

既濟班馬還師以息勞罷役夫嘉喜入戶見妻
未濟積德不怠遇主逢時載喜渭陽身受榮光

焦氏易林卷第五

焦氏易林卷第六

噬嗑之第二十一

噬嗑麒麟鳳凰善政德祥陰陽和調國無災殃

乾 北風相牽提笑語言伯歌叔舞讌樂以喜

坤 甲戌己庚隨時運行不失常節達性任情各樂其類

屯 破亡之虛神祇哀憂進往無光留止有慶

蒙 注斯膏澤扞衛百毒防以江南虺不能螫

需 日月相望光輝盛昌三聖茂功仁德大隆

訟 大蛇巨魚戰於國郊上下隔塞衛侯廬曹

師 龍入天關經歷九山登高上下道里險難日晏不食絕無

甘酸

比 沙漠北塞絕無水泉君子征凶役夫苦艱

噬嗑

易林六

士礼居藏

小畜關折門啓衿帶解墮福與善坐憂不為禍
履 狼虎所嗥患害必遭不利有為宜以遁逃

泰 金精耀怒帶劍過午兩虎相距弓弩滿野雖憂無苦

否 朽根枯樹葉落花去卒逢火焱相隨偃仆

同人入和出明動作有光轉運休息常樂永康

大有國多忌諱大人恒畏結口無患可以長存

謙 天地淳厚六合光明陰陽順序以成厥功

豫 羸程逐狐為人觀笑牝雞雄晨主作亂妖

隨 陰升陽伏桀失其室相餒不食

蠱 蛸飛蠹動各有配偶小大相保咸得其所臨之

臨 鬼守我廬欲呼伯去曾孫壽考司命不許與生相保

觀 禍走患伏喜為我福凶惡消亡災害不作

賁 智不別揚張狂妄行蹈淵仆顛傷殺伯身

剝 凶憂災殃日益章明禍不可休三郤夷傷

復 長尾蛟蛇畫地為河深不可涉阻絕以無惆然憤息

無妄愛我嬰女牽引不與冀幸高貴反得賤下

大畜鳧游江海甘樂其餌既不近人雖驚不駭

頤 明滅光息不能復食精氣既喪以夜為室

大過奇適無偶習靖獨處所願不從心思勞苦

坎 葛藟蒙棘華不得實讒佞亂政使忠壅塞

離 鵲笑鳩舞來遺我酒大喜在後授吾龜紐龍喜張口起拜

福祉

咸 搖尾逐災雲沉孽除洿泥生梁下為田主

恒 白鶴啣珠夜食為明膏潤優渥國歲年豐

遯 內執柔德止訟以默宗邑賴德禍災不作
大壯犬吠驚駭公拔戈起玄冥厭火消散瓦解
晉 公悅姬喜孫子俱在榮譽日登福祿來處
明夷鳥鳴捕穀長欲飛去循枝上下適與風遇顛隕樹根命不
可救
家人析薪爇酒使媒求婦和合齊宋姜子悅喜
睽 隣不可顧而求玉女身多疾癩誰當媚者
蹇 遠視無明不知青黃黓續塞耳使君闇聾
解 尅身已整逢禹巡狩賜我玄珪蒙受福祉
損 遠望千里不見黑子離婁之明無益於光
益 斧斤所斫瘡痍不息鍼石不施下即空室
夬 齊侯少子才畧美好求我長女賤薄不與反得醜陋後乃

大悔

姤 失儷後旅天門地戶不知所在安止無咎
萃 烏孫氏女深目黑醜嗜欲不同過時無偶
升 叔駕純駟南至東萊求索駒馬道悅中止
困 二女寶珠誤鄭大夫君父無禮自為作笑
井 陽城太室神明所息仁智之居獨無兵革
革 大蛇為殃使道不通歲露尠少年穀敗傷
鼎 三足孤鳥靈明為御司過罰惡自殘其家毀敗為憂
震 車雖駕兩鞞絕馬欲步雙輪脫行不至道遇害
艮 鬱快不明為陰所傷眾霧集聚共奪日光
漸 鷓鴣鴟鴞治成禦災周公勤勞綏德安家
歸妹名成德就項領不試景公耄老尼父逝去

豐 一夫兩心岐刺不深所為無功求事不成
旅 羿張烏號穀射天狼趙國雄勇敗於滎陽
巽 東家殺牛汚臭腥臊神背西顧命絕衰周
兌 火起吾後喜炙我鹿蒼龍啣水泉巽柱屋雖憂無咎
渙 桃雀竊脂巢於小枝搖動不安為風所吹寒心慄慄常憂
不殆
節 徙足去域飛入東國有所畏避深藏隱匿
中孚 瓊英朱草仁政得道鳧鷖在渚福祿來下
小過 陳蔡之危從者飢罷明德上通憂不為凶
既濟 春桃生花季女宜家受福多年男為封君
未濟 徑邪賊田政惡傷民夫婦呪詛太上覆顛
賁之第二十二

賁 政不暴虐鳳凰來舍四時順節民安其居
乾 八口九頭長舌破家帝辛沉酒商滅其墟
坤 鬼守我門呼伯入山去其室家舍其兆墓
屯 日出阜東山蔽其明章甫薦屨箕子狎狂
蒙 戴盆望天不見星辰顧小失大福逃墻外
需 兩輪並轉南上大阪四馬共轅無有重難與語笑言
訟 羊驚狼虎悚耳羣聚行旅稽難留連愁苦
師 梗生荆山命制輸班袍衣剝脫夏熱冬寒立餓枯槁眾人
莫怜

比 鳥飛無翼兔走折足不常其德自為羞辱
小畜 條風制氣萬物生出明庶長養花葉茂榮
履 坤厚地德庶物蕃息平康正直以綏大福

泰 昂畢附耳將軍求怒徑路隔塞燕雀驚駭
 否 東風啓戶黔啄翻舞各樂其類咸得生處
 同人兩足四翼飛入家國寧我伯姊與母相得
 大有歲暮花落陽入陰室萬物伏匿藏不可得
 謙 釋然遠咎避患害早田獲三狐以貝為寶
 豫 鵲延却縮不見頭日日以困急不能自復
 隨 秋隼冬翔數被嚴霜雞犬夜鳴家擾不寧
 蠱 班馬還師以息勞罷役夫嘉喜入戶見妻
 臨 老楊日衰條多枯枝爵級不進逐下摧墮
 觀 順風吹火牽騎驥尾易為功力因懼受福
 噬嗑六人俱行各遺其囊黃鶴失珠無以為明
 剝 依叔墻隅志下勞苦楚相辰食韓子低頭

復 三牛生狗以戌為母荆夷上侵姬伯出走
坤之震需之訟否之姤
 無妄鶴盜我珠逃於東都鵠怒追求郭氏之墟不見踪跡反為

患災

大畜升輿中退舉事不遂哺麋毀齒失其道理
 頤 鴻鵠高飛鳴求其雌雌來在戶雄哺嘻嘻甚獨勞苦魚鱉

膾鯉

大過褰衣涉河水深漬衣幸賴舟子濟脫無他
觀之渙剝之賁
 坎 虎鬻龍指太山之崖天命不佑不見其雌
 離 明不處暗智不履危終日卒歲樂以笑歌
 咸 三足俱行傾危善僵六指不使恩累弟兄樹柱闕車失其

正當

恒 舍車而徒亡其駸牛雖喪白頭酒以療憂

遯 析薪熾酒使媒求婦和合齊宋姜子悅喜
大壯夜視無明不利賈商子反笑歡與市為仇
晉 徒行離車不冒泥塗利以休居

明夷作室山根人以為安一昔崩顛破我壺殮
家人山東山西各自言安雖相登望意未同堂
睽 君子在朝凶言去消驚駭逐狼不見英雄
蹇 輶輶墳墳火燒山根不潤我鄰獨不蒙恩

解 南山之蹊真人所在德配唐虞天命為子保佑歆享身受

大慶 復之比
否之豫

損 龍蛇所聚大水來處泱泱需需澆澆磔磔使我無賴

益 旃裘苦蓋慕德獻服邊鄙不聳以安王國

夬 光體春成陳倉雞鳴陽明失道不能自守消亡為咎 大有
之井

姤 下泉苞稂十年無王荀伯遇時憂念周京 蠱之
歸妹

萃 仁德不暴五精就舍四牧允釐民安其居

升 隨和重寶眾多貪有相如睨柱趙王危殆

困 鳳生五雛長於南郭君子康寧悅樂身榮

井 二人為侶俱歸北海入門上堂拜謁王母勞賜我酒女功

悅喜

革 逐憂去殃洿泥生梁下田為王

鼎 東門之壇茹蕙在坂禮義不行與我心反

震 鳧遇稻廬甘樂趨鰭雖驅不去

艮 清人高子久屯外野逍遙不歸思我君母公子奉請王孫

嘉許

漸 讒人所言語不成全虎狼之患不為我殘

婦妹張羅捕鳩鳥麗其災雌雄俱得為罔所賊
豐 安仁尚德東隣慕義來安吾國

旅 猾醜如誠前後相違言如鯨咳語不可知
異 懷璧越鄉不可遠行蔡侯兩裘久苦流離

兌 伯氏婦國多所恨惑車傾蓋亡身常驚惶乃得其願雌雄
相從

渙 火石相得乾無潤澤利少囊縮祗益促迫
節 君知聖哲嗚呼其友鎮德之徒可以禮仕

中孚 騎豚逐羊不見所望經涉虎廬亡羝失羊乾之蹇
小過 玄黃隳隤行者勞罷役夫憔悴處子畏哀

既濟 右手掩目不見長叔失其所得悔吝相仍
未濟 免冠進賢步出朝門儀體不正賊孽為患否之兌

剝之第二十三

剝 行觸大忌與司命牾執囚束縛拘制於吏幽人有喜中孚之震

乾 穿胸狗邦僵離旁春天地易紀日月更始師之謙

坤 從風縱火荻芝俱死三害集房十子中傷

屯 北山有棗橘柚於聚荷囊載香盈我筐筥

蒙 賈貝贖狸不聽我辭繫於虎鬚牽不得來否之革需之睽震之咸巽之需

需 上下惟邪戾其元夫歡心隔塞君子離居

訟 二人輦車徙去其家井沸釜鳴不可安居復之旅

師 蹇驢不才俊驥失時罷於沙丘筋力勞盡履之巽

比 明傷之初為穆出交以讒復婦名曰豎牛剝亂叔孫餒於

空丘

小畜 天火大起飛鳥驚駭作事不時自為身咎

剝

易林六

七

履 土與山連共保歲寒終無災患萬世長安

泰 日出阜東山蔽其明章甫薦屨箕子佯狂賁之

否 龍馬上山絕無水泉喉焦唇乾口不能言乾之

同人 雄處弱水雌在海濱別將持食悲哀於心

大有 庭燎夜明追嗣日光陽軟不制陰雄坐戾

謙 三婦同夫忽不相思志恒悲愁顏色不怡

豫 鶴盜我珠逃於東都鵠怒追求郭氏之墟不見武跡反為

患災豫之明夷

隨 獼猴冠帶盜載非位眾犬共吠磨走蹶足

蠱 黍稷禾稻垂畝方好中旱不雨傷風病燎

臨 雄聖伏名人匿麟遠走鳳飛北亂禍未息中孚之損

觀 王母多福天祿所伏居之寵光君子有福

噬嗑 班馬還師以息勞疲役夫忻喜入戶見妻觀之既濟賁之蠱兌

賁 蹇裳涉河流深漬衣賴幸舟子濟脫無他觀之渙賁之大過坤之萃

復 被服文德升入大麓四門雍肅登受大福

無妄 東鄰嫁女為王妃后莊公築館以尊王母歸于京師季姜

悅喜

大畜 百足俱行相輔為強三聖翼事王室寵光屯之履晉之坤遯之復

頤 危坐至暮請求不得膏澤不降政戾民忒泰之離需之頤漸之坎

大過 百川朝海流行不止路雖遼遠無不到者

坎 乘駟駕驪東至于齊遭遇仁友送我以資厚得利歸

離 禮壞樂崩成子傲慢欲求致理力疲心爛陰陽不調成子

驕傲為簡生殃

咸 三人輦車乘入虎家王母貪叨盜我犁牛

恒 羊頭兔足少肉不飽漏囊敗粟利無所得渙之

遯 新田宜粟上農得穀君子惟好以紆百福恒之

大壯 夷羿所射發輒有獲雙鳧俱得利以伐國

晉 鳧舞鼓翼嘉樂堯德虞夏美功要荒賓服

明夷 登上上對酒道觀終年卒歲優福無患

家人 歲暮花落陽入陰室萬物伏匿藏不可得

睽 螟虫為賊害我禾穀簞瓶空虛飢無所食

蹇 陽虎脅主使得不通火離為殃年穀病傷

解 四馬共轅東上泰山駢驥同力無有重難與君笑言渙之

損 牧羊稻園聞虎喧囂懼畏悚息終無禍患隨之漸井之否

益 揚花不時冬實生危憂多橫賊生不能服崑崙之玉所求

必得

夬 高阜所在陰氣不臨洪水不處為家利寶

姤 釋然遠咎辟患害早田獲三狐以貝為寶君子所在安寧

不殆

萃 兩目不明日奪無光脛足跛曳不可以行頓於上旁亡妾

莫逐菟然獨宿

升 鴻飛循陸公出不復伯氏客宿中孚之

困 桑芳將落墮其黃葉失勢傾側如無所得一作佩

井 載船渡海雖深難咎孫子俱在不失其所玉云云

革 鵠求魚食道遇射弋繒如我頸繳縛羽翼欲飛不能為羿

所得

鼎 泥面亂頭忍恥少羞日以削消凶其自招

震 佩玉纒蕊無以繫之孤悲獨處愁哀相憂一作桑

艮 巨虵大鱓戰於國郊上下隔塞逐君走逃巽之臨

漸 已動死連商子揚沙石流狐貉擾軍鼓振吏士恐落

歸妹 二人俱行別離特食一身五心亂無所得賁之歸妹

豐 三聖相輔鳥獸喜舞安樂富有三人偕偶

旅 三奇六耦相隨俱市王孫善賈先得利寶居止不安洪水

為咎

巽 三人俱行二人言北伯仲欲南少叔不得中路分爭道闢

相賊豐之中字

兌 播天舞光地乳神所守樂無咎言不信誤

渙 坐爭立訟紛紛匆匆卒成禍亂災及家公大過之坎

節 虵行蜿蜒不能上阪履節安居可以無憂

中孚 卻大墻壞蠹眾木折狼虎為政天降罪伐

小過 陽不違德高山多澤顏子逐兔未有所得

既濟 心多畏惡時愁自懼雖有小咎終無大悔

未濟 眾神集聚相與議語南國虐亂百姓愁苦興師征伐更立

賢主

復之第二十四

復 周師伐紂尅於牧野甲子平旦天下悅喜

乾 任重負力東征不伏陷泥履塗雄師敗覆

坤 義不勝情以欲自營覬利危寵折角摧頸

屯 懸瓠素飡食非其任失輿剝廬休坐徙居室家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產升擢有功

訟 三足俱行傾危善僵六指不便恩累弟兄樹柱關中失其

復

易林六

十一

正當責之

師 京庾積倉黍稷以興已極行疾至以饜飽

比 南山之跡真人所遊德配唐虞天命為子保佑歆享身受

大慶責之

小畜車馳人趨卷甲相仇齊魯寇戰敗於犬丘坤之

履 十五許室柔順有德霜降既嫁文以為合先王日至不利

出域

泰 任力劣薄遠托邦國轉車不彊為癰所傷

否 千歲舊室將有困急荷糧負囊出門直北

同人惡災殆盈日益彰明禍不可救三卻夷傷

大有冠危戴患身驚不安與福馳逐凶來入門

謙 虎狼並處不可以仕忠謀轉政禍必及已退隱深山身乃

不殆

豫 卯與石闢糜碎無處挈瓶之使不為憂懼

隨 五心六意岐道多怪非君本志生我恨悔

蠱 雨雪載塗東行破車旅人無家利益咨嗟

臨 尚刑懷義月出平地國亂天常咎徵滅亡

觀 東行破車步入危家衡門穿射無以為主賣袍續食糟糠

不飽

噬嗑逐禽出門并失玉丸往來井上破甑缺盆

賁 孟春醴酒使君壽考南山多福宜行賈市稻梁雌雉所至

利喜

剝 持刃操肉對酒不食夫亡從軍少子入獄抱膝獨宿

無妄蹄牛傷暑不能成畝草萊不墾年歲無有

大畜南邦大國鬼魅滿室謹聲相逐爲我行賊
順 嚶嚶所言莫如我恒歡樂堅固可以長安

大過堯舜禹湯四聖敦仁允施德音民安無窮旅人相望未同

朝卿

坎 桎梏拘獲身入牢獄髡刑受法終不得釋耳閉道塞求事
不得

離 桀跖並處民困愁苦行旅遲遲留連齊魯

咸 求雞獲雞買鰲失魚出入鈞敵利得無饒齊姜宋子婚姻

孔嘉

恒 兩師駕駟風伯吹雲秦楚爭強施不得行

遯 仲冬無秋鳥鵲飢憂困於米食數驚鸛鷓

大壯三羝上山俱至陰安遂到南陽見其芝香兩崖相望未同

枕床

晉 飛至日南還歸遼東雌雄相從和鳴雍雍解我迴春

明夷堯飲舜舞禹拜上酒禮樂所豐可以安處保我淑女

家人太乙置酒樂正起舞萬福攸同可以安處綏我覲齒

睽 白馬騶騮生乳不休富我商人得利饒優

蹇 宛馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄爲玉寶得吾所有欣然嘉喜

益 襦燒袴燔羸剝飢寒病癘凍學

夬 水沫沉浮沮濕不居爲心疾憂

姤 行如桀紂雖禱不祥命衰絕周文王乏祀

萃 蟬蜉戴盆不能上山脚推跛蹶頓傷其顏

升 長子入獄婦饋母哭霜降愈甚鄉晦伏法
困 求犬得兔請新遇故雖不當路踰吾舊舍

井 鳥鳴葭端一呼三顛搖動東西危而不安靈祝禱社疾病
無患

革 天厭禹德命興湯國祓社釁鼓以除民疾

鼎 陰霧作匿不見白日邪徑迷道使君亂惑

震 猿墮高木不踈手足握珠懷玉還歸我室 益之豫 蒙之隨

艮 三驪負衡南取芝香秋蘭芬馥盛滿匣匱利我少姜

漸 春生夏乳羽毛成就舉不失宜君臣相好盜走奔北終無

有晦

歸妹東行破車遠反室家天命訖終無所禱凶

豐 九雁列陳雌獨不羣為魯所牽死於庖人

旅 二人輦車徙去其家井沸釜鳴不可以居

巽 閉塞復通與善相逢甘棠之人解我憂凶

兌 賦歛重數政為民賊杼軸空虛去其家室

渙 怒非其怨貪垢腐鼠而呼鵲鷓自分失餌致被殃患

節 簪跌帶長幽思窮苦瘠貌小瘦以病疾降

中孚三人俱行各別採桑蘊其筐宮留我嘉旅得婦無咎四月

來處

小過逐鳩南飛與喜相隨并獲鹿子多得利婦雖憂不危


既濟驅羊南行與禍相逢狼驚吾馬虎盜我子悲恨自咎

未濟東隣西國福喜同樂出得隋珠留獲和玉俱利有喜

焦氏易林卷第六

易林六

七



焦氏易林卷第七

無妄之第二十五

無妄夏臺姜里湯文厄處臯陶聽理岐人悅喜西望華夏東歸

無咎

乾 儋耳穿胸僵離旁春天地易紀日月更始蝮螫我手痛為

吾毒

坤 慈母之恩長大無孫消息襁褓害不入門

屯 偽言妄語傳相誣誤道左失跡不知鄉處

蒙 鬱悞不明陰積無光日在北陸萬物彫藏

需 王母多福天祿所伏居之寵光君子有昌

訟 不耕而獲家食不給中女無良長子徒足踈齒善市商人

有息

無妄

易林二

一

士礼居藏

師 火起上門不為我殘跳脫東西獨得生完不利出鄰病疾

憂患

比 持刀操肉對酒不食夫亡從軍長子入獄抱膝獨宿復之

小畜 鱮鰈去海遊於枯里街巷迫狹不得自在南北四極渴餒

成疾

履 啞啞笑喜與歡飲酒長樂行觴千秋起舞拜受大福

泰 登高上山賓于四門吾士得權福為我根

否 天厭周德命我南國以禮靜民兵革休息

同人 壅遏隄防水不得行火光盛陽陰蜺伏匿走歸其鄉

大有 海河都市國之奧府商人受福少子玉食

謙 東行避兵南去不祥西逐凶惡北迎福生與喜相逢

豫 東家中女媠母取醜三十無室媒伯勞苦

隨 破亡之國天所不福難以止息

蠱 驂駕蹇驢日暮失時居者無憂保我樂娛

臨 蝮竦充側佞幸傾惑女謁橫行正道壅塞

觀 三殺五牂相隨俱行迷入空澤循谷直北經涉六駁為所

傷賊

噬嗑 戴喜抱子與利為友天之所命不憂危殆荀伯勞苦未來

王母

賁 織縷未就勝折無後女工多能亂我政事

剝 行露之訟貞女不行君子無食使道壅塞

復 昇張烏號鼓射天狼鐘鼓不鳴將軍振旅趙國雄勇闔死

榮陽

大畜 延頸望酒不入我口商人勞苦利得無有夏臺姜里雖危

姑履危不安跌頓我顏傷踵為癩

萃三人輦車乘入旁家王母貪叨盜我資財亡失犁牛

升三雁南飛俱就井地鰕鮑饒有利得過倍

困鷹栖茂樹猴雀往來一擊獲兩伏不枝梧

井堯舜欽明禹稷股肱伊尹往來進禮登堂顯德之徒可以

輔王

革枯旱三年草葉不生竅盛空乏無以供靈

鼎口方緩唇為和樞門解釋鈎帶商旅以歡

震鳧鷖池水高陸為海江河橫流魚鱉成市千里無墻鴛鳳

游行

艮烹魚失刀駕馬車亡鉛刀不及魴鯉腥臊

漸戎狄蹲踞無禮貪叨非吾族類君子攸去

婦妹渡河踰水濡滂其尾不為禍憂捕魚遇蟹利得無幾

豐河水小魚不宜勞煩苛政苦民君受其患

旅偃武修文兵革休安清人逍遙未歸空閑

巽九疑鬱林沮濕不中鸞鳥所去君子不安

允持獨逢虎患厭不起遂至權國與福笑語君王樂喜

渙狗生龍馬公勞嫗苦家無善駒折悔為吝

節嬰孩求乳慈母歸子黃覺悅喜得其甘餌

中孚有兩赤鷁從五隼噪操矢無括趣釋爾財扶伏聽命不敢

動搖

小過伊尹智士去桀耕野執順以強文和無咎

既濟逐鹿西山利入我門陰陽和調國無災殃長子東遊須其

三仇二句疑
衍文

未濟龍興之德周武受福長女宜家與君相保長股遠行狸且善藏

大畜之第二十六

大畜朝鮮之地箕伯所保宜人宜家業處子孫求事大喜

乾 金柱鐵關堅固衛災君子居之安無憂危

坤 轉禍為福喜來入屋春成夏固可以飲食保全家室

屯 水暴橫行綠屋壞墻泱泱溢溢市師驚惶居止不殆與母

相保

蒙 虎豹熊羆遊戲山隅得其所欲君子無憂旅人失利市空

無人

需 躬體履仁尚德止訟宗邑以安三百無患

訟 江淮易服玄黃朱飾靈公夏徵哀相無極高位崩顛失其

寵室

師 不虞之患禍至無門奄忽暴卒痛傷我心蒙之明夷

比 三塗五岳去危入室凶禍不作桀盜堯服失其寵福貴人

有疾

小畜配合相迎利心四鄉昏以為期明星熠熠欣喜君顛所言

得當

履 三手六身莫適所闕更相搖動失事便安箕子佯狂國乃

不昌

泰 虎卧山隅鹿過後胸弓矢設張會為功曹伏不敢起遂全

其軀得我美草大有之訟

否 麟鳳執獲陰雄失職自衛反魯猥昧不起祿福訖已

同人 樂子作殃伯氏誅傷州犁奔楚失其寵光

大畜

易林二

五

大有黃帝出遊駕龍騎馬東至太山南過齊魯王良御左文武
何咎不利市賈

謙 齊魯爭言戰於龍門溝怨致禍三世不安

豫 道禮和德仁不相賊君子往之樂有其利

隨 媼妬公姥毀益亂賴使我家憤利得不遂

蠱 一巢九子同公共母柔順利貞出入不殆福祿所在

臨 崔嵬北岳天神貴客溫仁正直主布恩德閔哀不已蒙受

大福

觀 三睢逐蠅陷墮釜中灌沸弁殪與母長決

噬嗑 東山西陵高峻難升滅夷掘壘使道不通商旅無功復反

其邦

賁 常得自如不逢禍災福祿自來

剝 范子妙材戮辱傷膚然後相國封為應侯

復 狼虎結集相聚為保伺嚙牛羊道絕不通病我商人

無妄 不直杜公與我爭訟媒伯無禮自令塞壅

頤 上天樓臺登降受福喜慶自來

大過 三羊上山東至平原黃龍服箱南至魯陽貌其佩囊執綬

車中行入無功

坎 天地閉塞仁智隱伏商旅不行利深難得

離 延陵適魯觀樂太史車麟白顛知秦興起卒兼其國一統

為主

咸 麋戰甲兵歸放馬牛徑路開通國無凶憂朽墻不鑿疾病

難治

恒 牛驥同堂郭氏以亡國破為墟君奔走逃

遯 大尾小腰重不可搖棟撓榱壞臣為君憂陽大之言消不為患使我復安

大壯太一置酒樂正起舞萬福攸同可以安處綏我覲齒指空無餌不利為旅

晉 飲酒醉酗跳起爭鬪伯傷叔僵東家治喪明夷山險難登渭中多石車馳轄擊重載傷軸載擔善躓跌踈

右足 家人爭訟不已更相咨詢張事弱口被髮北走耳順從心躬行至仁不須以兵天下太平

睽 心志無良傷破妄行觸墻舐壁不見戶房先王閉關商旅委棄

蹇 寧夫鳴鴉治成御災綏德安家周公勤勞

解 清人高子久在外野逍遙不歸思我慈母

損 兩虎爭鬪服創無處不成仇讎行解卻去

益 天女推床不成文章南箕無舌飯多沙糖虛象盜名雄雞折頸

夬 太子扶蘇走出遠郊佞幸成邪改命生憂慈母之恩無路致之

姤 寒暑相推一明一微赫赫宗周光榮滅衰

萃 雞狗相望仁道篤行不吠昏明各安其鄉周鼎和餌國富民有八極蒙祐

升 窓牖戶旁道利明光賢智輔聖仁施大行家給人足海內殷昌

困 雨雪三日鳥獸飢乏旅人失宜利不可得幾言解患以療

紛難危者復安

井 白鵠銜珠夜食為明膏潤渥優國歲年豐中子來同見惡
不凶

革 從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得其所欲絕其

患惡大有之歸妹

震 逐狐平原水過我前深不可涉暮無所得

艮 窟室蓬戶寒賤所處十里望烟散渙四方形體滅亡下入

深淵終不見君

漸 桀紂之主悖不可輔貪榮為人必定其咎聚斂積實野在

鄙邑未得入室

歸妹 倉庫盈億年歲有息商人留連雖久有得陰多陽少因地

就力

豐 火山不然釣鯉失綸魚不可得利去我北三人同福以興

周國君子安息

旅 童女無媒不宜動搖安其居廬傅母何憂

巽 載風雲母遊觀東海鼓翼千里見吾愛子

允 鴻盜我襦逃於山隅不見武迹使伯心憂

渙 視夜無明不利遠鄉閉門塞牖福為我母

節 三狗逐兔子東北路利以進取商人有得

中孚 武王不豫周公禱謝載璧秉珪安寧如故

小過 同載共車中道別去爵級不進君子不興

既濟 六雁俱飛遊戲稻池大飲多食飽無患舉事不遂商旅

作憤

未濟符左契右相與虐亂乾坤利貞幸生六子長大成就颯然
如母不利為咎

頤之第二十七

頤 家給人足頌聲並作四夷賓服干戈卷閣

乾 思初道古哀吟無輔陽明不制上失其所

坤 江河淮海天之奧府眾利所聚賓服饒有樂我君子

屯 三雁俱行避暑就涼適與增遇為繳所傷

蒙 秋南春北隨時休息處和履中安無憂凶

需 履危無患跳脫獨全不利出門傷我左踝疾病不食鬼哭

其室

訟 東家凶婦怒其公姑毀梓破盆弃其飯殮使吾困貧

師 泥滓洿辱弃捐溝瀆眾所笑哭終不顯祿

比 旦往暮還各與相存身無凶患

小畜 六翮長翼夜過射國高飛冥冥拜氏無得

履 蜂蠆之門難以止息嘉媚之士為王所食從去其室

泰 放狐乘龍為王道東過時不及使我憂聾

否 電梅零墮心思情憤亂我鬼氣

同人 長女三嫁進退多態牝狐作妖夜行離憂

大有 轟轟鞦韆驅車東西盛盈必毀高位崩顛

謙 乘船道濟載水逢火賴得無患蒙我生全

豫 至德之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿

臨 大斧破木讒人敗國東關二五禍及三子晉人亂危懷公

頤

出走

觀 一室百孫公悅婦歡相與笑言家樂以安
 噬嗑隨陽轉行不失其常君安於鄉國無咎殃
 賁 羣虎入邑求索肉食大人禦守君不失國
 剝 弱足則跟不利出門商賈無贏折明為患湯火之憂轉解
 喜來
 復 夏臺幽戶文君厄處鬼侯飲食岐人悅喜
 無妄棟橈壞廊屋大敗宮闕空廊如冬枯樹
 大畜說以內安不離其國室家相懼幽囚重閉疾病多求罪亂

憤憤

大過六龍俱怒戰於阪下倉黃不勝旅人難苦
 坎 天下雷行塵起不明市空無羊疾人憂凶三木不辜脫婦

家邦

離 一指食肉口無所得染其鼎鼐舌饒於腹
 咸 喜笑不常失其福慶口辟言疢行者畏忌
 恒 毛生毫背國樂民富侯王有德
 遯 豮豕童牛童傷不來三女同堂生我福人
 大壯江河淮海盈溢為害邑被其瀨年困無歲
 晉 兩虎爭鬪股瘡無處不成仇讎行解欲去
 明夷五嶽四瀆潤洽為德行不失理民賴恩福
 家人載車乘馬南逢君子與我嘉喜雖憂無咎
 睽 缺囊破筐空無黍稷不媚如公弃於糞墻
 蹇 殺行桃園見虎東西螳螂之敵使我無患
 解 飢人入室政衰弊極抱其彝器奔於他國因禍受福

損 庭燎夜明追古傷今陽弱不制陰雄坐戾
 益 懸狃素飡食非其任失輿剝廬休坐從居
 夬 喜門福善繒帛盛熾日就為得財寶敵國
 姤 執綏登車驂乘東遊說齊解燕霸國以安
 萃 水深無桴蹇難何游商伯失利庶人愁憂
 升 三鳥鴛鴦相隨俱行南到饒澤食魚與梁君子樂長見惡
 不傷
 困 遠視目眈臨深若眩不離越都旅人留連
 井 終風東西散渙四方終日至暮不見子權
 革 言無要約不成券契殷叔季姬公孫爭之彊入委禽不悅
 於心
 鼎 牛馬犢贖不知聲味遠賢賤仁自合亂憤疾病無患生福

在門

震 從商近游飽食無憂囹圄之困中子見囚
 艮 據斗運樞順天無憂與樂並居
 漸 姬奭姜望為武守邦藩屏燕齊周室以彊子孫億昌
 歸妹 亡羊東澤循隄直北子思其母復返其所
 豐 張鳥關口舌直距齒然諾不行政亂無緒
 旅 載船逢火憂不為禍家在山東入門見公
 巽 絕言異路心不相慕虵子兩角使我心惡
 允 鼻頂移徙君不安坐枯竹復生失其寵榮
 渙 殷商以亡火息無光年歲不長殷湯光明
 節 文王四乳仁愛篤厚子畜十男無有折夭
 中孚 熊羆豺狼在山陰陽伺鹿取獐道候畏難

小過彫葉被霜獨蔽不傷駕入喜門與福為婚

既濟黃離日照我四國元首昭明民賴恩福漢有游女人不

可得

未濟順風直北與歡相得歲熟年樂邑無寇賊長女行嫁子孫

不昌係疾為殃

大過之第二十八

大過典册法書藏閣蘭臺雖遭亂潰獨不遇災

乾 日在北陸陰蔽陽目萬物空虛不見長育

坤 鬼泣哭社悲商無後甲子昧爽殷人絕祀

屯 涉塗履危不利有為安坐垂裳乃無災殃門戶自開君憂

不昌

蒙 陽失其紀枯木復起秋葉冬華君不得息

需 大樹之子百條共母當夏六月枝葉盛茂鸞鳥以庇召伯

避暑翩翩偃仰甚得其所

訟 秉鉞執爻挑戰先驅不從元帥敗破為憂

師 啓室開關逃得釋寃夏臺姜里湯文悅喜

比 衰滅無成淵溺在傾狗吠夜驚家乃不寧枯者復華幽人

無憂

小畜西鄰少女未有所許志如委衣不出房戶心無所處傳母

何咎

履 狗吠夜驚履鬼頭頸危者弗傾患滅不成

泰 當年少寡獨與孤處雞鳴犬吠無敢誰者我生不辰獨嬰

寒苦

否 無道之君鬼哭其門命與下國絕得不食

大過

易林七

七

同人乘龍南遊夜過糟丘脫厄無憂增絕弩傷昇不得羹
大有馬躓車傷長舌破家東關二五晉君出走
謙 瓜飽匏實百女同室苦醢不熟未有妃合
豫 晨風文翰大舉就温昧過我邑昇無所得
隨 浼浼泥泥塗泥至轂馬寧不進虎嚙我足
蠱 膠車駕東與雨相逢故革懈惰頽輪獨坐憂不爲禍
臨 六家作權公室剖分陰制其陽唐叔失明
觀 去室離家來奔大都火息復明姬伯以昌商人失功
噬嗑牧羊稻園聞虎喧謹危懼喘息終無禍患
賁 嬰孩求乳母婦其子黃麩懼喜
剝 廓落失業跨禍度福利無所得
復 出入無時憂禍爲災行人失牛利去不來老馬少駒勿與

久居

無妄風怒漂水女惑生疾陽失其服陰孽爲賊
大畜車馬病傷不利越鄉幽人元亨去晦就明
頤 三奇六耦各有所主周南召南聖人所在德義流行民悅
以喜
坎 坐爭立訟紛紛忽忽卒成禍亂災及家公
離 憂凶爲殘使我不安從之南國以除心疾
咸 愛我嬰女牽引不與冀幸高貴反得不興
恒 宜行賈市所聚必倍載喜抱子與利爲市
遯 坐席未温憂來扣門踰墻北走兵交我後脫於虎口
大壯赤帝懸車廢職不朝叔帶之災居于汜廬
晉 子畏於匡厄困陳蔡明德不危竟自免害

明夷逐雁南飛馬疾牛罷不見魚池失利憂危牢戶之冤脫免
無患

家人推輦上山高仰重難終日至暮不見阜巔
睽 憂不為患福在堂門使吾偃安

蹇 春桃始華季女宜家受福多年男為邦君

解 高山之巔去谷億千雖有兵寇足以自守

損 過時歷月役夫顛顛處子嘆室思我伯叔

益 太微復明說升傳巖乃稱高室疾在頭頸和不能生滅其

令名

夬 旁多小星三五在東早夜晨行勞苦無功

姤 東鄉煩煩相與笑言子般鞭犖圍人作患

萃 鼻移在頭枯葦復生下朽上榮家乃不寧其金不成

升 蝦蟇羣聚從天請雨雲雷疾聚應時輒下得其願所

困 大步上車南到喜家送我貂裘與福載來

井 賊仁傷德天怒不福斬刈宗社失其宇守

革 從狷見虎雖危不殆終已無咎

鼎 履素行德卒蒙祐福與堯侑食君子有息

震 利在北陸寒苦難得憂危之患福為道門商叔生存

艮 四蹇六盲足痛難行終日至暮不離其鄉

漸 臺駘昧子明知地理障澤宣流封君河水

歸 妹畜水得時以備火災柱車絆馬郊行出旅可以無咎

豐 歲暮花落君衰於德勞寵損墜陰奪其室

旅 夏販蔡悲千里為市黃葉殫鬱利得無有

巽 仲春巡狩東見群后昭德允明不失其所

允 樹潔縹縹結締難解媼母銜嫁媒不得坐自為身禍
渙 鳥鳴庭中以戒災凶重門擊柝備憂暴客
節 朝霽暮霞濺我衣襦退無得牛

中孚抱璞懷玉與桀相觸誑坐不中道無良人
小過兩心相悅共其柔筋夙夜在公不離房中得君子意
既濟載醜如田破鉏失食苗穢不闢獨飢於年
未濟甘露醴泉太平機關仁德咸應歲樂民安
屯之謙

焦氏易林卷第七

焦氏易林卷第八

坎之第二十九

坎 有黃鳥足歸呼季玉從我睢陽可辟刀兵與福俱行有命
久長

乾 太王為父季歷孝友文武聖明仁德興起弘張四國載福
綏厚

坤 猿墮高木不踈手足保我金玉還歸其室
屯 重耳恭敏遇讒出處北奔狄戎經涉齊楚以秦代懷誅殺
子圍身為霸王

蒙 倚鋒據戟傷我胸臆拜折不息
需 狗冠雛步君失其居出門抵山行者憂難水灌我園高陸
為泉

坎

易林八

一

士礼居藏

訟 衆鳥所翔中有大壯爪牙長頭為我驚憂

師 雷行相逐無有休息戰於平陸為夷所覆

比 禹鑿龍門通利水泉同注滄海民得安土

小畜 堯舜仁德養賢致福衆英積聚國無寇賊商人失利來爭

寶貨

履 陸居少泉山高無雲車行千里塗不污輪渴為我怨佳思

廣得

泰 朝視不明夜不見光皆抵空床季女奔亡愴焉心傷

否 齊魯求國仁聖輔德進禮雅言定公以安

同人 束帛玄圭君以布德伊呂百里應聘輔國

大有 棘鉤我襦為絆所拘靈巫拜禱禍不成災東山之邑中有

土服可以饒飽

謙 門燒屋燔為下所殘西行出戶順其道理虎卧不起牛羊

歡喜

豫 墻高蔽日崑崙翳月遠行無明不見權叔

隨 天地際會不見內外祖辭遣送與世長決

蠱 深水難涉塗難至穀牛罷不進寧陷我疾

臨 羊驚狼虎獼猴群走無益於僵為齒所傷

觀 履地躡虺與鬼相視驚哭失氣如騎虎尾

噬嗑 車驚人墮兩輪脫去行者不至主人憂懼結締復解夜明

為喜

賁 南販北賈與怨為市利得自治

剝 延陵適魯觀樂太史車麟白顛知秦興起卒兼其國一統

為主

復出門逢患與禍為怨更相擊刺傷我手端
無妄獐鹿同走自燕嘉喜公子好遊他人多有
大畜恭寬相信履福不殆從其邦域與喜相得

頤欲飛無翼鼎重折足失其喜利苞羞為賊上妻之家喜除
我憂解吾思愁

大過府藏之富王以振貸捕魚河海罟網多得

離陰生麀鹿鼠舞鬼哭靈龜陸蒙釜甑草土仁智盤桓國亂

無緒

咸風塵暝迷不見南北行人失路復反其室

恒金革白黃宜利戒市嫁娶有息商人悅喜

遯匏瓜之德宜繫不食君子失與官政懷憂

大壯乘船渡濟載冰逢火賴得免患蒙我所恃

晉道途多石傷車折軸與市為仇不利客宿

明夷託寄之徒不利請求結衿無言乃有悔患

家人三羊爭妻相逐奔馳終日不食精氣竭罷

睽退惡防患見在心苗日中之恩解釋倒懸

蹇兩足四翼飛入嘉國寧我伯姊與母相得

解寒露所降凌制堅冰草木瘡傷花落葉亡

損后稷農功富利我國南畝治理一室百子

益設網張羅捕魚園池網罟自決雖得復失危訴之患受其

低權

夬路與縣休侯伯恣驕上失其盛周室衰微

姤逐走追亡相及扶桑復見其鄉使我悔喪

萃履祿綏厚載福受祉衰微復起繼世長久疾病獻麥晉人

赴告

升 鰥寡孤獨祿命苦薄入宮無妻武子哀悲
困 山没上浮陸為水魚燕雀無巢民無室廬
井 冠帶南遊與福喜期微于嘉國拜為逢時
革 東行亡羊失其羝牂少婦無夫獨坐空廬
鼎 探巢捕魚耕田捕鱖費日無功右手空虛
震 東行飲酒與喜相抱福吾家利來從父母水澤之徒望邑
而處
艮 妄怒失精自令畏悔怙怙之懼君子無咎
漸 白雲如帶往往旗處飛風送迎大電將下擊我禾稼僵死
不起
婦妹南至之日陽消不息北風烈寒萬物藏伏

豐 火中仲夏鴻雁來舍體重難移未能高舞君子顯名不失
其譽

旅 北行出門履陷躓顛踈足據塗污我襦袴

巽 輕車馱祖焱風暴起促亂祭器飛揚錯華明神降佑道無

害寇

兌 酒為歡伯除憂來樂福喜入門與君相索使我有德

渙 三足孤鳥靈明督郵司過罰惡自賊其家毀敗為憂

節 三河俱合水怒踴躍壞我王屋民飢於食

中孚 南行棗園惡虎畏班執火銷金使我無患

小過 求鹿過山與利為怨閭聾不言誰知其懼

既濟 行旅困蹙失明守宿囹圄之憂啓執出遊

未濟 據棘履危跌刺為憂夫婦不和亂我良家

離之第三十

離 時乘六龍為帝使東達命宣旨無所不通

乾 執轡四驪王以為師陰陽之明載受東齊

坤 春秋禱祝解過除憂君子無咎

屯 坐車乘軒據國子民虞叔受命和合六親

蒙 開戶下堂與福相迎祿于公室曾孫以昌

需 高木腐巢漏濕難居不去甘棠使我無憂

訟 三女為姦俱遊高園倍室夜行與伯笑言不忍主母為設

歡酒寬尤誰禱

師 漏卮盛酒無以養老春貸黍稷年歲實有履道坦坦平安

何咎

比 松栢枝葉常茂不落君子惟體日富安樂

小畜夫婦不諧為燕攻齊良弓不張騎馱憂凶

履 出令不勝反為大災強不克弱君受其憂

泰 奔牛相錯敗亂緒業民不得作

否 載璧秉珪請命于河周公克敏冲人瘳愈

同人素車偽馬不任重負王侯出征憂危為咎

大有大樹之子同條共母比至火中枝葉盛茂

謙 壅遏隄防水不得行火盛陽光陰蛻伏藏走婦其歸

豫 五岳四瀆合潤為德行不失理民賴恩福

隨 駕駿南遊虎驚我羊陰不奉陽其光顯揚言之謙謙奉義

解患

蠱 早霜晚雪傷害禾麥損功弃力飢無所食

臨 岐周海隅有樂無憂可以避難全身保財

觀 陰蔽其陽目暗不明君憂其國求駢得黃駒犢從行
噬嗑金城鐵郭上下全力政平民歡寇不敢賊

賁 平公有疾迎醫秦國和不能知晉人赴國

剝 戴堯扶禹從喬彭祖西過王母道里夷易無敢難者

復 羔羊皮革君子朝服輔政天德以合萬國

無妄據鐘鼓翼將軍受福安帖之家虎狼與憂履危不強師行

何咎

大畜嫡庶不明孽亂生殃陳失其邦

頤 鳥驚狐鴻國亂不寧上弱下強為陰所刑

大過六月采芑征伐無道張仲方叔克勝飲酒

坎 被綉夜行不見文章安坐玉堂乃無咎殃長子帥師得其

正常

咸 昧暮乘車東至伯家踰梁越河濟脫無他

恒 東風解凍和氣兆升年歲豐登

遯 三狸搏鼠遮過前後無於園域不得脫走

大壯綏德孔明履祿久長貴且有光疾病憂傷

晉 三虎搏狼力不相當如摧壅祐一擊破亡

明夷使伯東乘恨不肯行與叔爭訟更相毀傷

家人抱空握虛鴉驚我雛利去不來

睽 李花再實鴻升降集仁哲以興隆國無賊

蹇 東山臯洛勇捍不服金玦玩好衣為身賊

解 飛文污身為邪所牽青蠅分白貞孝放逐

損 南山大木文身其目制命出令東里田畝尊主安居鄭國

無患

益 泉起崑崙東出玉門流為九河無有憂患
夬 命短不長中年夭傷鬼泣哭堂哀其子亡
姤 君臣不和上下失宜宗子哭歌

萃 苛政日作螟食華葉割下啖上民被其賊秋無所得
升 南行戴鎧登場九魁車傷牛罷日暮咨嗟

困 春東夏南隨陽有功與利相逢
井 頭尾顛倒不知緒處君失其國

革 言無要約不成券契殷叔季姬公孫爭之強入委禽不悅
子南

鼎 缺破不成胎卵不生不見其形
震 見虵交悟惜蜣畏惡心乃無悔

艮 河水孔穴壞敗我室水深無涯魚鱉傾倒

漸 五嶽四瀆地得以安高而不危敬慎避患

歸妹 南至之日陽消不息北風烈寒萬物伏藏

豐 五利四福俱佃居邑黍稷盛茂多獲高積

旅 公孫駕車載遊東齊延陵子產遺季紵衣疾病哀悲

巽 交亂當道民困愁若望羊置群長子在門

兌 金玉滿室忠直乘危三老凍餓鬼奪其室求魚河海網舉

必得

渙 日入幽隱陽明隱伏小人勞心求事不得

節 頻逢社飲失利後福不如子息舊居故處申請必與乃無

大悔

中孚 南有嘉魚駕黃取遊魴鱖詡詡利來無憂

小過 黃裳建元文德在身祿祐洋溢封為齊君賈市無門股肱

多根

既濟口不從心欲東反西與意乖戾動舉失使
未濟虎狼之鄉日爭凶訟叨爾為長不能定從

咸之第三十一

咸 雌單獨居婦其本巢毛羽憔悴志如死灰
乾 十窓多明道里通利仁智君子國安不僵
坤 心惡來恠衝衝何懼顏伯子騫尼父聖母
屯 鳥鳴呼子哺以酒脯高樓水處來婦其母
蒙 國馬生角陰孽萌作變易常服君失于宅
需 入宇多悔耕石不富衡門屢空使士失意
訟 情懦行賈遠涉山阻與旅為市不危不殆利得十倍
師 梁破橋壞水深多畏陳鄭之間絕不得前

比 雙鳧俱飛欲婦稻池經涉雀澤為矢所射傷我胸臆

小畜謾誕不成倍梁滅文許人賣牛三失爭之失利後時公孫

懷憂

履 南國凶飢民食糟糠少子困捕利無所得

泰 狗吠非主狼虎夜擾驚我東西不為家咎

否 望龍無目不見手足入水求玉失其所欲

同人以鹿為馬欺誤其主聞言不信三口為咎黃龍三子中樂

不殆

大有養幼新婚未能出門登宋望齊不見太師

謙 王孫季子相與為友明允篤誠升擢薦舉

豫 山水暴怒壞梁折柱稽難行旅留連愁苦

隨 鷓鴣徙巢西至平州遭逢雷電破我葦蘆室家飢寒思吾

咸

易林

故初

蠱 登高傷軸上阪弃粟販鹽不利買牛折角

臨 祝駝王孫能事鬼神節用綏民衛國以存饗我旨酒眉壽

多年

觀 九里十山道却峻難牛馬不前復反來還

還一作道

噬嗑枯樹不花空淵無魚蕉鳥飛翔利弃我去

賁 雄狐唯唯登上山鬼昭告顯功大福允興

剝 啞啞笑喜相與飲酒長樂行觴千秋起舞拜受大福

復 大椎破轂長舌亂國床第之言三世不安

無妄男女合室二姓同食婚姻孔云宜我孝孫

大畜千仞之墻禍不入門金籠鍊疏利以辟兵欲南上阪轉萬

不轉還車復反

頤 華言風語自相誑誤終無凶事安寧如故

大過汎汎栢舟流行不休耿耿寤寐公懷大憂仁不遇時退隱

窮居

坎 大尾小頭重不可搖上弱下強陰制其雄

離 一身三口語無所主東西南北迷惑失道

恒 南行求福與喜相得封受上賞鼎足輔國

晉之謙同

遯 過時不歸苦悲雄惟徘徊外國與母分離

大壯堯舜在國陰陽和得涿聚衣常晉人無殃

晉 周城之降越裳夷通疾病多祟鬼哭其公鳥子野心宿客

不同

明夷申酉脫服牛馬休息君子以安勞者得權

家人凱風無母何恃何怙幼孤弱子為人所咎

睽 出門上堂從容牖房不失其常天牢北戶勞者憂苦
蹇 天厭周德命與南國以禮靜民兵革休息
解 常葉折衝佐闔者傷暴臣失國良臣破殃
損 合歡之國嘉喜我福東岳西山朝齊成恩
益 耕石不生弃禮無名縫衣失針襦袴不成
夬 聾聾聞聾跛倚不行坐尸爭骸身被火災因其多憂
姤 長生太平仁政流行四方婦德社稷康榮
萃 桀跖並處民之愁苦擁兵荷糧戰於齊魯合邕同牢姬姜
並居
升 南與凶俱破車失襦西行無袴亡其寶賂
困 空槽注器豚彘不至張弓祝雞雄父飛去
井 望尚阿衡太宰周公藩屏湯武立為王侯

革 朝鮮之地箕子所保宜家宜人業處子孫

鼎 昔憂解笑故貪今富載策履善與福俱遇

震 叔迎伯兄遇卷在陽君子季姬並坐鼓簧

艮 順風縱火芝艾俱死二官集房十子中傷剝之坤作三害

漸 駕車入里求鮮魴鯉非其肆居自令失市君子所在安無

危咎

歸妹 拔劍傷手見敵不起良臣無佐困辱為咎

豐 亂君之門佐闔傷跟營私貪祿身為悔殘東下泰山見我

所歡

旅 慈母望子遙思不已久客外野使我心苦

巽 魴生淮郤一轉為百周流四海無有患惡

兌 甘露醴泉太平機關仁德感應歲樂民安

渙 采薇出車魚麗思初上下從急君子免憂

節 豕生魚魴鼠舞庭堂雄佞施毒上下昏荒君失其邦

中孚三頭六目道畏難宿寒苦之國利不可得

小過驚雀銜茅以生孚乳昆弟六人姣好悌孝各同心願和悅

相樂

既濟文君之德仁義致福年無胎夭國富民實君子在室曾累

益恩

未濟秋梁未成無以至陳水深難涉使我不前

恒之第三十二

恒 黃帝所生伏羲之宗兵刀不至利以居止

乾 登墀踣足南行折角長夜之室不逢忠直

坤 燕雀衰老悲鴻入海憂不在鄉差池其羽頡頏上下在位

獨處

屯 開門除憂伯自外來切切無患我之得歡

蒙 効耕釋耜有所疑止空虛無子

需 張牙切齒斷怒相及咎起蕭牆牽引吾子患不可解憂驚

吾母

訟 履不容足南山多棘母出房闈乃無疾病

師 牛駢亡子鳴於天野申後陰徵罍歸其母

比 龍生于淵因風身天章虎炳文為凶敗軒發輓温谷暮宿

崑崙終身無患充精照耀不被禍難

小畜既嫁宜吉出入無憂三聖並居國安無災

履 北陸陽伏不知白黑君子傷讒正害善人

泰 一身兩頭近適二家亂不可治

恒

易林

上

否 牝馬牝駒歲字不休君子衣服利得有餘
同人南行懷憂破其金輿安坐故廬乃無灾患

大有憂人之患履傷浮願為身禍殘篤心自守與喜相抱

謙 咸陽辰巳長安戌亥七陵生上非魚鱸市可以避不終無

凶咎

豫 不知何孫夜來扣門我慎外寢兵戎且來

隨 昧旦不明暗我無光喪滅失常使我心傷

蠱 江陰水側舟楫破乏孤不得南豹無以北雖欲會盟河水

絕梁

臨 神之在丑逆破為咎不利西南人休止後

觀 然諾不行欺天誤人使我靈宿夜歸温室神怒不直鬼擊

無目欲求福利適反自賊

噬嗑攘臂極肘怒不可止狼戾復佞無與為市

賁 販馬賣牛會值虛空利得尠少留連為憂

剝 高樓陸處以避風雨深堂邃宇君安其所牝雞之晨為我

利弗求得弗得

復 阿衡服箱太乙載行逃時歷舍所之吉昌

無妄飛來之福入我嘉室以安吾國

大畜不孝之患子為母殘老耄莫養獨坐空垣

頤 南過棘門鉤裂我冠鬪之傷孺使君恨憂

大過重或射卒不知所定質疑著龜孰可避大明神報荅告以

肌如

坎 麟麇鳳稚安樂無憂捕魚河海利踰從居

離 新田宜粟上農得穀君子推德千百以福

咸 簪短帶長幽思苦窮瘠蠱小瘦以病之隆
遯 爭訟之門不可與隣出入為憂生我心患

大壯 朽根枯株不生肌膚病在心腹日以焦勞

晉 雨師娶婦黃巖季子成禮就昏相呼南上膏我下土歲年

大茂

明夷 冬採微蘭地凍堅難利走失北暮無所得

家人 昧之東域誤過虎邑失我熊齒飢無所食

睽 日莫閉目隨陽休息箕子以之乃受其福舉首多言必為

悔殘

蹇 蓼蕭灑灑君子龍光鳴鸞雍雍福祿來同

解 鳥飛無翼兔走折足雖不會同未得醫工

損 五勝相賊火得水息精光消滅絕不長續

益 東資齊魯得駢犬馬便辟能言巧賈善市八隣併戶請火
不與人道閉塞鬼守其宇

夬 爭雞失羊亡其金囊利不得長陳蔡之患賴楚以安

姤 九登十陟馬跌不前管子佐之乃能上山

萃 東鄰愁苦君亂天紀甘貪祿寵必受其咎意合志同自外

相從見吾伯公

升 三狸捕鼠遮遏前後死於壞城不得脫走

困 狼虎爭強禮義不行兼吞其國齊晉無主

井 五岳四瀆合潤為德行不失理民賴息福

革 六月種黍歲晚無雨秋不宿酒神失其所先困後通與福

相逢

鼎 駮牝龍身日取三千南上蒼梧與福為婚道里夷易身安

無患取疑當作趣

震 出入休居安止相憂上室之權虎為季殘

艮 南山昊天刺政關身疾病無辜背增為仇

漸 蒼耳東從道頓跛躄日辰不良病為祟禍

歸妹 兄征東燕弟伐遼西大克勝還封君河間

豐 播輸折輻馬不得行豎牛之讒賊其父兄布裘不傷終身

無殘

旅 駕之南海晨夜不止君子勞疲僕使焦苦

巽 怨風燒被忿怒生禍偏心作難意如為亂

兌 張狂妄行竊食盜糧狗吠非主嚙傷我足

渙 警蹕戒道先驅除害王后親桑以率群功安我祖宗

節 門戶乏食困無誰告對門不通莫所歸急種藏五穀一花

百葉

中孚被蔽復貌危者得安鄉善無患商人有息利來入門

小過壘壘如其之室一身十子古公治邑


既濟三姬治民不勝其任兩馬爭車敗壞室家

未濟蔽鏡無光不見文章少女不市弃其郤王

焦氏易林卷第八




71014734





易林八
古

其力足也
未敢地無事不其
知欲三而合力不
小強應也其
中平好遊更無
百業




書名	建氏易林		
冊數	2	版別	紙
議價	4.00		
編號	可	字第	455 號

北京市圖書出版業同業公會印製



5120

277
1919



20813